



文苑  
翻  
叢  
書

叢書

文苑  
叢書

~20  
2457  
17



2332.17  
2457  
17



文苑黼黻卷之三十三目錄

教書一 配享

明宗配享文元公李彥迪教書

宣祖配享忠貞公李浚慶教書

宣祖配享文純公李滉教書


仁祖配享文忠公李元翼教書

仁祖配享文貞公申欽教書

仁祖配享文忠公金瑬教書

仁祖配享忠定公李貴教書

仁祖配享忠翼公申景禎教書



仁祖配享忠定公李曙教書

孝宗配享兩臣教書

孝宗配享文正公金尚憲教書

孝宗配享文敬公金集教書

孝宗配享文正公宗時烈教書

顯宗配享翼憲公鄭太和教書

顯宗配享忠肅公金佐明教書

肅宗配享文忠公南九萬教書

肅宗配享文純公朴世采教書

肅宗配享忠正公尹趾完教書

肅宗配享文貞公崔錫鼎教書

景宗配享兩臣教書

景宗配享惠定公李濡教書

景宗配享忠文公閔鎮厚教書

孝宗追配享一臣英宗配享五臣教書

英宗配享忠獻公金昌集教書

英宗配享忠正公崔奎瑞教書

英宗配享文忠公閔鎮遠教書

英宗配享文忠公趙文命教書

英宗配享忠靖公金在魯教書

教書二 文廟從祀

文獻公鄭汝昌從祀文廟教書

文正公趙光祖從祀文廟教書

文元公李彥迪從祀文廟教書

文純公李滉從祀文廟教書

文成公李珣從祀文廟教書

文簡公成渾從祀文廟教書

文元公金長生從祀文廟教書

文正公宋時烈從祀文廟教書

文正公宋浚吉從祀文廟教書

文純公朴世采從祀文廟教書

教書三 几杖致仕

頌議政盧守慎賜几杖教書

頌議政李元翼賜几杖教書

頌府事柳溥賜几杖教書

頌府事李景奭賜几杖教書

右議政許穆賜几杖教書

錦平翁朴弼成賜几杖教書

鶴城君揄賜几杖教書

左議政鄭琢致仕教書

領府事宋時烈致仕教書

領府事南九萬致仕教書

領議政崔奎瑞致仕教書

判府事閔鎮遠致仕教書

右議政李台佐致仕教書

判府事徐命膺致仕教書

文苑補遺卷之三十三

教書一 配享

明宗配享文元公李彥迪教書 宣祖己巳

三年喪既畢方修升緝之儀一介臣惟賢宜膺與享之寵茲惟崇德之典實協哀宗之文惟卿安重端詳英悟超邁以天民之先覺作聖朝之蓋臣學邈淵源契周誠程敬之奧旨忠竭啓沃符伊訓傳命之嘉謨國有賴於著龜士咸仰於山斗荷知遇於中廟許以真儒承隆眷於孝陵擢在弘化逮先王之初服有明勗之裕猷衍成八規備載進修之道條上十事式罄

文苑叢書卷之二十一  
十一  
禁迪之誠何群小之孔艱致先正之遐棄忠以受禍  
痛青蠅之止樊天不可知慘野鵬之入室德濟世之  
已矣言垂後之炳如我皇考劬燭禹明思理誣枉予  
小子克繼先志首命追褒道德文章無以加允矣考  
翼大夫國人皆曰可實符僉同肆當吉祭之辰聿躋  
從祀之列云云於戲同心同德既無間於幽明作福  
作災永有賴於啓迪

宣祖配享忠貞公李浚慶教書

光海庚戌

惟宗廟所以事先也方修陞祔之儀有大德其從  
與享之聿舉報功之典肆惟先正碩輔允協敦宗

誦文惟卿直方閎深敦大博厚學有真的早聞光  
祖緒餘事無作為皆從誠意中出以命世之遠器  
際休明之盛時荷殊知於靖陵菁莪首善之地輔  
聖德於仁宗薰陶勸講之筵逮明廟中年茂著經  
天之業承玉几末命益勤捧日之忱辦韓公富公  
之事功贊成王康王之授受泰山喬嶽不見運動  
功利及物者多格人元龜先知吉凶國家所恃以  
重德量起敬於華使賴雪璿系之誣柱石係望於  
蒼生倚此棟隆之福永退每戒於盛履好學益篤  
於晚齡德望蓋世者二十年臨終憂國而進一劄

至今士望所服先見之明當時言者何心追思則  
 愧我皇考睠焉有教恩不替於始終予小子恨不  
 同持禮無間於存沒追申考翼之誠秩實符廷議  
 之僉同茲當吉祭之辰俾躋從祀之列配清廟之  
 陟降愛其所親享明靈以牲牢肅焉如在云云於  
 戲同心同德既胥及於逸動作福作灾尚永賴於  
 佑啓功在宗祏敢闕褒崇

知製教

崔現製

宣祖配享文純公李滉教書

光海庚戌

喪畢三年方修升紉之禮澤流百世宜舉從享之  
 儀茲遣奉版之官用致引靈之真惟卿精思實踐

妙詣窮探繼往開來可見平生之用力難進易退  
 無愧古人之處身蔚為百代之儒宗遂作四方之  
 師表早膺中廟之眷逮受孝陵之知况在先朝益  
 荷異數入侍經幄責既重於賓師擢為貳公誠固  
 出於夢卜初服登對國是定而君德隆一壑徑歸  
 吾道明而士習正論道統則允矣海東朱子論事  
 功則賢於國朝諸儒四十年韋布疏章每請配於  
 文廟五百歲明良際會先從祀於宗祏待賢何間  
 於存亡揭虔將見其盼蠶庶幾依神於周粟俾將  
 侑坐於魯宮云云於戲乾淳典刑河嶽精爽在後

人高山仰止恨不同時配先王宗廟享之其克永  
世

仁祖配享文忠公李元翼教書

孝宗辛卯

踐位行禮方舉陞祔之禮崇德尚功適施後享之典  
顧奉先之罔極乃錫命之維新嗟我宗英允為國老  
身若不勝衣而當官則凜乎難犯言若不出口而遇  
事則沛然有裕忠勤實贊中興清白特為小節晚遭  
變故寧怵昏朝之威獨樹彛倫要報列祖之眷寧聽  
撼厦一柱猶存虐雪埋山孤松自在逮寧考之撥亂  
以元台而立朝幸張浚之重來想望久矣而司馬之

復入疾病半之終未免稼木之災今尚見撤材之室  
遽意降割之酷查纏陟方之哀每懷葦葦將畢三年  
之制豈忍淡淡已迫中月之期屬神位之奉躋固侑  
座之難缺筮當時之勳宰非曰無人較衆論之推賢  
於卿莫此爰遵常憲用侈殊章於戲不以前後而有  
異者君之恩不以死生而有間者臣之義予惟追論  
薦烈首寘六臣之列卿亦永輔先王克垂萬世之祐

大提學 蔡 裕 後 製

仁祖配享文貞公申欽教書

喪三年既祥既禫式舉升祔之儀簡一時同心同德



宜行與享之典顧無易於卿者實有稽於衆焉恭惟  
寧考之中興克紹大統之特絕事有光於湯武再叙  
藝倫功不讓於宣光永恢基命咸仰聖神之不世亦  
得輔相之其人惟卿衡王之姿冰蘖為操文章若雷  
霆江漢藝苑宗師言行質天地鬼神士林模範少孤  
力學不待提掖之方弱齡多聞已識趨向之正聲望  
允屬卿相志業端在軍民易究精微見賈免之以衍  
卦數闡河洛間啼鶴亦能知來動必引以禮經不差  
一步專用功於踐履苟通百家別謝臆而定是非秋  
霜凜凜開容顏而接人物春氣溫溫荷宣祖曠世之

知任蓋臣匪躬之責獻嘉謨珠冕之下裨益良多降  
遺教玉几之前付托至重值昏季義理之喪處患難  
操守逾貞叢棘林中幸脫加桎之厄孤蘭澤畔未免  
佩玦之行中夜王室之憂幾年田家之趣聖人乃作  
誕應四七之辰家髦盍歸始字六五之吉文衡銓席  
首先登庸赤舄黃扉造次進陟大義同休咸精誠炳  
若日星一身佩安危德望高於山斗以簡制煩以靜  
制動臨事不勞居尊若卑居寵若驚與物無競安宗  
社而奠黎庶是誰之功樹風教而贊經綸維乃之績  
際艱危忠勤益著逮遲暮委任彌專展布未終奪先

王股肱之速事業不朽在國人耳目者多小子自幼  
冲間大名而興起舊臣已冥漠慕高躡而唏噓嗟皇  
穹降此鞠凶舉東土罹于荼毒哀踊罔極邈矣弓劍  
之難攀禮制有常居然日月之易邁爰舉太廟之大  
事克遵列聖之舊章緝而不祧重萬世崇成之道享  
則有配擇一介輔佐之良言其際合則如彼其隆考  
其德行則如彼其卓僉同所可予豈敢私茲以卿配  
享仁祖大王廟庭緬仰蕃蔡之賢寵嘉乃至追哀風  
雲之盛愴感亦深於戲明良有孚存沒何間衣冠遊  
於九廟魚水重歡祭祀同於千年君臣一體故茲十

行用誥想宜九原有知

知製教李  
之恒製

仁祖配享文忠公金瑬教書

聖王重并祔之儀序昭序穆禮經嚴從享之典以德  
以功故任如阿衡丕載從湯之烈忠如博陸方顯配  
宣之勲蓋班班可以攷焉豈人人所敢與者惟卿傳  
家忠孝間世精英以致君澤民之才有難進易退之  
節文章可以華國乃其緒餘智慮可以經邦素所抱  
負弱冠蹈厲著魁偉傑特之聲中歲蹇屯養和毅剛  
大之氣屬三綱之掃地奮隻手而擎天周王獲呂尚  
為師思集大命漢帝與鄧禹計事獨有遠圖母儀光

臨東方免禽獸之域乾元正位宗功勒鐘鼎之文逮  
 凶醜朶頤之辰而方畧指顧而定招不來麾不去譬  
 若喬嶽之崇制大事決大疑蓋符霖雨之望新封舊  
 爵不但輝暎於丹青盛榮鴻名自當燁赫於簡冊肆  
 先王心膂以託顧小子瞻汪彌勤虎逝龍亡繞傳秦  
 巷之罷杵天崩地坼忽抱昂湖之遺弓禮制限於三  
 年方有事乎太廟祭祀同於一體疇敢間於元臣茲  
 因廷論之公俾躋廟配之盛風雲魚水契合既深於  
 生前違豆牲牢情文宜備於身後上考三代遺制位  
 次少南於太階苟撫開元雜儀爵獻乃等於五紀庸

紹先志式修舊章於戲功在人報之予豈違則祭於  
 庭禮也靈底有知明神不滅不亡且降百福春秋曰  
 嘗曰綸與享萬年

知製教  
申冕製

仁祖配享忠定公李貴教書 孝宗辛卯

躋太廟而不祧茲為萬世彝典紀宗功而作祀莫先  
 一介蓋臣際遇既深幽明無間載惟忠孝之素性兼  
 以文武之具材天生李晟繫唐社稷是賴岳降山甫  
 維周邦國之楨德量恢恢胸吞濶海氣岸磊磊眼空  
 俗流早從先生長者而服膺粵在韋布郎僚而抗論  
 宣祖褒旨至命內醫賢相薦書見謂大器蓋蹇諤匪

躬之故雖坎險維心之亨志士在溝常負經濟之任  
飛鴻未漸寧論燕雀之知蠖屈幾年龍巖長嘯當倫  
紀已數之日遂慷慨自誓于天大義大經有不泯者  
同心同德為之倡焉坤道復而居尊乾元并而御極  
然後為天下母子者定於焉慰我先祖宗之靈惟非  
常之人能建非常之業而不世之佐乃遭不世之君  
有伊尹所以救民微管仲幾乎被髮功烈如彼其盛  
忠勤至老不衰瀝血封章盡是中興鞏固之策忘身  
憂國肯為一時非毀而沮掌銓公明試聽輿誦傳家  
清白之觀遺風耆英之德望獨隆聖情之眷注深篤

罷吁嗟於前席偷然返真寄舟楫於重泉慟矣靡及  
屬予霜露之感尤切風雲之思倏屆再周聿舉并紉  
之禮夷考歷代備著侑祀之儀雖古人何以加固蔽  
予志諸大夫皆曰可實符僉同威靈儼集於宗絜精  
爽悅見其陪衛昔卿造朝曠日猶出涕洟先王有夢  
中宵嘗懷悽愴其從與享不昧者存云云於戲予惟  
嘉乃茂勳永指河山帶礪卿其相我寧考庶保子孫  
黎民宜告端由庸加崇獎知製教  
黃來製  
仁祖配享忠翼公申景禎教書  
喪筮甫終式舉紉禮功宗咸秩庸備享儀既序昭穆

之班寧缺左右之弼惟卿生由慶罔滅聯王家草木  
威名家傳祭戟山河間氣世作邦楨當寧考慮困昏  
朝與蓋臣不離一日忘生赴難成翊戴之元功誓死  
殫勞著贊釐之丕績恨無爵以賞遂陞台司屬注意  
之初遽見星隕臨朝之歎歷年不忘予小子不吊于  
天罹大憾叩頓于地霜露之感縱慕切於百年日月  
其良將奉入於九廟迪簡侑位謀及群寮周宣中興  
名穆并山甫之列軒帝配食力牧等風后之尊是由  
古而行之非自今而始者肆因衆論之合俾躋與享  
之聯肅穆威神宛爾禮接于下盼蠻羞嚙依然侍食

於前於戲君之寵恩詎有異於存歿臣之忠義固無  
間於幽明予今配卿廟庭擬百世之罔缺卿亦相予  
先后致三韓之永休

仁祖配享忠定公李曙教書

寧考宗廟饗之聿修陞紂之緝禮惟卿社稷臣也庸  
舉元祀之曩章詢謀既同予志先定載惟忠義之素  
性兼以傑魁之奇才卻穀詩書初不讓於儒雅寇恂  
文武早見許於風塵逮三綱既斁之時有萬死不顧  
之志桓君山之奮義實出肺肝霍子孟之定謀先為  
宗社知天命已去於昌邑忍使顛躋見人心咸屬控

代王頊戴明聖暫鎮上游之畿輔要借外鎮之形便  
周太尉之掌兵一軍歡躍李多祚之入苑雙闕肅清  
日光東朝復揭彛倫於昏瞠天開北極更真國步於  
危亡三韓又安萬品攸叙旂常紀績雖百世而可傳  
帶礪申盟固一代之殊典惟馮異之屏樹縱欲冲譙  
繫田單之帶金豈是懋賞倚毗蓋萬身兼禁衛之權  
授任彌專手握樞要之重况彼經營保障將欲備禦  
憂虞先事而圖上獨知其急務後乃有賴人始服其  
善謀君臣上下之有歸器械糧儲之無匱使我國得  
至今日論其功不下古人諸葛鞠躬方擬誓死於五

丈伏波舉芝竟至襄羊於一朝昔我先王言必為之  
涕泣惟予小子念豈忽於褒嘉屬茲喪畢於三年方  
將吉禘於七廟股肱心膂顧終始之罔愆死生幽明  
豈寵遇之或間賈鄧功大配世祖之蒸嘗房杜勳高  
與昭陵之禴祀博稽往牒已有成規於戲篤棊之功  
難忘從享之典為盛無疆惟恤予常凜若淵冰不昧  
者存卿其祐我邦國

知製教李  
應著製

孝宗配享兩臣教書

顯宗辛丑

載備情文祔禮既舉爰存故實配儀斯陳肆將外除  
之餘哀庸矐右賢之先志文忠公金尚憲三朝元老

一德宗臣正直公忠為百僚之儀範文章學業聳一代之觀瞻氣像則砥柱頽波心事則青天白日當倫紀數絕之日扶得萬古綱常在風霜危迫之辰儼然千仞壁立方知忠信篤敬蠻貊可行至於風采激揚朝野想望位躋台鼎德業彌彰身退郊扉忠悃益篤安危既係於出處恩禮豈間於死生文敬公全集命世真儒承家正學訓已嚴於正獻典刑猶存禮最精於橫渠淵源有自德容則祥麟威鳳資稟則美球精奎明天德王道之要久擬經綸大業擢憲長冢宰之任尤覺繩衡至公况其動靜行藏皆合乎道至於國

家休戚不忘于心棲息丘園謙德已著從容函丈師道深尊故兩臣眷注之非常而寡昧欽艷者亦久今茲群議之博采益見二人之共貞思德音之不瑕凡凡玉鳥想清儀之如在皎皎白駒嗟夫子沒猶留名人所共慕矧寧考常欲置側予亦詳知隙駟難留纔畢倚廬之制玉爵始裸合備侑聖之儀言其契合則如彼其卓式据令典而適追殊章云云於戲想像平生如在左右留傳百世永示同德之休陪扈千秋庶垂陰騭之佑故茲丁寧周誥宜其寅謨有知  
孝宗配享文正公奎尚憲教書  
顯宗辛丑

巨創終三年之制誕舉并紂之儀寧考有一德之臣  
宜陟配享之列實循輿望用侈殊享惟卿峻潔而清  
直方以大專兩間至剛之氣鐵心石腸挺萬世特立  
之標金聲玉色董桂之粹已著昏朝以前松栢之貞  
乃知歲寒然後逮聖祖之改玉見君子之得與數進  
昌言咸推諍臣之首獨持清裁蔚為正論之宗灑血  
危城孤節炳三韓之日月遯身荒谷至誠同萬折之  
江河以伸連東海之蹤就季孫西河之館乾坤震蕩  
不可奪其寸心鼎鑊森羅夫豈動吾一髮信國不死  
幸脫燕獄之囚伯夷復生直符宋人之語屹若砥柱

之孤峙巋然靈光之獨存大義貞忠卓絕千古烈士  
名相合為一人事業存於邦家良史青編之筆文章  
發於情性清廟朱絃之音達尊兼三有大老於天下  
禮敬無兩倚宗臣於朝端魚水之歡方隆箕尾之騎  
何遽先王嗟一老之不慙辰日之痛既深小子愍多  
難之未堪丙夜之思彌切蒼梧之歲月荏苒曷極霜  
露之悲白楊之泉路荒涼無復霖雨之佐茲用紂廟  
奉躋之禮載升闕宮從侑之班司勳徵大蒸之文崇  
報斯在名公配武王之室典常可追祭祀攸同信君  
臣之一體幽明罔間悅風雲之再逢若稽與享之頌



輔元功實鮮如卿之偉烈盛業云云於戲惟是春秋  
寃宥之事固莫重於陪庭矧茲光嶽精英之姿凜若  
見其奉衛撫今昔而增感瞻禴祀而罔愆嘉乃曠古  
之風徽永侑俎豆香火迪我在上之陟降以保子孫  
黎民大提學趙復陽製  
孝宗配享文敬公全集教書顯宗辛丑  
真儒負一代之名既崇明德清廟配萬世之享爰舉  
徽章稽祀典而則然考往制而可見粵在康陵穆陵  
之室迪簡宗臣有若文元文純之賢咸秩從祀匪但  
道學之重寔惟邦家之光于茲是徵在後可法惟卿

大賢有子至性出人受授迨自家庭門路甚正淵源  
遠有傳襲道統斯尊既資稟之清明亦充養之深厚  
如美玉琢磨而愈澤如良金鍛鍊而愈精省察操存  
常惺惺而主敬學問思辨尤慥慥於致行禮書纂編  
黃勉齋之盛業疑文剖析朱晦菴之微言繩尺定而  
分毫不差規矩立而方圓合度工夫造極德崇而恭  
行高而安士林推宗魁衡於天泰岱於地旌招實始  
於聖祖顯擢益隆於先朝長風憲領天官載新始初  
之化陳王道贊聖學庶回三五之休棟折樑摧嗟大  
老之不憚天崩地坼閔小子之違凶闇廬屬終制之

期闕宮舉躋紂之禮君臣一體恩數詎問於存亡俎  
豆千齡遴揀莫重於贊侑肆求同德之佐共升與享  
之班如非夔契之儔曷稱勛華之配歷選當朝之碩  
輔匪曰無人博采今日之公言僉諧有屬云云於戲  
風雲際會既昭融於生前香火薦裡合褒崇於身後  
想像丹墀之舊列依稀黼座之重陪白雲帝鄉奉昭  
考而陟降青丘邦城庇冥隲而清寧念幽明之感通  
尚英靈其知悉 如製教 俞恭製  
孝宗追配享文正公宋時烈教書 當宁戊戌  
聖廡之陞躋先正所以尊斯文世室之追配宗臣所

以揚盛烈爰修百年之曠典庸答一國之輿情予惟  
王政莫先於崇賢若稽祀典尤慎於陟配亦穆陵極  
從侑之盛而孝廟揭追享之儀非但迪簡在廷以道  
學為重亦惟咸秩從祀于邦國有光矧茲曠千載之  
遭逢詎緩同一體之典禮惟卿天下大老海東真儒  
早從賢師淵源深而門路正丕闡聖學踐履篤而繩  
墨嚴地負海涵規模與朱子同揆山高嶽峙氣像後  
孟氏一人集大成於群賢苑乎造道之極彌至劉於  
六合傑然蓋世之豪士風勵而師道尊到于今而受  
賜邦禮正而詖辭息質諸古而無疑夫奚但一時之

魁衡實亦為萬代之標準出處與伊呂而相伯仲事  
業軒天地而曜日星斯以儒門不世出之姿克贊寧  
考大有為之志甘盤處賓師之位粵自龍潛諸葛任  
討復之任爰托魚水當天翻地覆之後講義理於一  
部春秋感日暮途遠之嘆贊志業於十年薪膽對揚  
謨烈尊中國而攘外夷扶植綱常正人心而明天理  
以言乎恩義則君臣父子以言乎契合則腹心股肱  
一襲貂裘他日風霜之興共獨對螭陛當時密勿之  
謨猷拚聖志而益勵水火之危衷奉睿畧而期雪宇  
宙之深耻嗟大業之未半奄天崩之纏哀龍髯莫攀

上天之仙馭已迫麟經獨抱中夜之血淚長沾白首  
初心皇明之日月尚戴蒼梧暮色寧陵之松栢空悲  
皇天不憖遺龍亡虎逝世事極燿變孤恣鷓鴣張萬古  
之正氣不磨猶然亂賊之知畏百世之定論以俟儘  
乎吾道之所存文廟之統緒相承惟是鋪道德之大  
朝家之貶贈雖舉無以揚契遇之隆顧縟儀未遑於  
先朝而曠禮式至于今日豈特舉國共公之議鬱而  
不伸抑亦聖祖於昭之靈幟焉有待肆予讀遺書而  
夙抱曠感緬偉烈而惟懷永圖皇廟之御額初宣庸  
識江漢朝宗之義寶札之短跋新製蓋慕風雲際會

之休惟茲追陞之儀即是繼述之事爰講尊報之道  
豈為文拘若論曠絕之規可以義起幽明罔間倚同  
心同德之臣位席是承儼文正文敬之列夔契贊勛  
華之業功莫與儔周召配文武之庭禮宜可據既表  
章之無憾庶崇奉之有辭微盛德孰與斯焉殆天意  
若待今者云云於戲念四方瞻聆之暨莫不起欽顧  
寡昧尊慕之誠從此可展乾坤之正義未墜佇泰運  
之挽回山岳之精英尚留庶永命之陰騭迪于先王

陟降保我子孫黎民

知製教  
金憲製

顯宗追配享翼憲公鄭太和教書

肅宗己未

寧王有一德之臣宜陟從享之列國論定數年之後  
始舉追配之儀博采群言庸闕典惟卿質茂而度  
偉識敏而材闊猶處於鉅谷深林龍虎變化之不測  
譬置之東膠西庠球璧琳琅之可珍寇平仲泰山作  
詩相業已著於韋布呂汲公秦人無黨公心益見於  
臺垣天既出為時之英豪國復值生郊之戎馬勞軍  
采石力戰反出於書生通表金陵至恂終暴於中華  
纜撤荆門之鎖鑰俾莞漢庭之樞衡民部掌千乘之  
財允矣國計斯賴天官高八座之位展也人物所宗  
夫既歷試而著庸遂乃峻陟而圖政故以四世五公

之隆望終為三朝一節之蓋臣若體之作苦作甘爾  
惟麴蘖有疑則匪卜匪筮公實善龜事至難而裁制  
悉當位彌高而謙恭益甚為治勿用浮薄朝端長篤  
厚之風葵獄務先平反域內事休嘉之福泰山喬岳  
雖不見運用之功洪河大江固已多浸潤之澤六考  
倍會昌之當國一歲加子儀之中書迨茲禮論之相  
乖斷以國制而為政蓋先君莫之行者縱未違於三  
年而長子必為碁焉實深斥於四種在當時軫後日  
之慮故先王有中朝之嘆念我晉及逸勤方議太室  
之侑座是誰橫生舐謗反寢鄭國之祀勲儀其缺焉

悔固多矣幸因相臣之攸奏益驗公議之難沮考前  
代之彛章越有追享之故事選宿昔之承弼疇若舊  
老之元臣惟輔益承違相不離於左右顧陟降陪衛  
理罔間於幽明衆志攸諧予意先決云云於戲國典  
斯備卿烈愈彰一體君臣重成魚水之歡千秋俎豆  
共享芬苾之榮精靈永有依歸冀格明勸之誥際遇  
尚如平素庶垂陰隲之休

大提學金  
錫胄製

顯宗配享忠肅公金佐明教書

制闕再葺聿舉升紉之典臣有同德式陳配食之儀  
從與享之禮則然矣惟卿真儒世胄名相家兒以孝

友誠忠服膺法訓以文學政事發軔昌辰雅望清規  
早已傾於朝著英猷敏識固不合於時宜稟性剛方  
持論則確然不苟秉志貞固幹事則斷然不撓際聖  
祖而眷注既隆逮寧考而倚毗彌篤錢穀劇務則判  
度支而管常平軍國重權則主中兵而兼守禦精神  
所透銖兩之姦皆知才諳所需案牘之煩如洗于廷  
尉之獄讞平恕自無枉寃王樞密之廟謨周詳動中  
機會苟利國則不恤群謗惟奉公而不容毫私禮論  
紛爭獨守三年之說廷議獲貳架切同寅之衷特立  
於標榜之中盡瘁於艱虞之際義同休戚姻王室而

小心位並兄弟逼台階而聯步倘民生有利病之判  
前席勤勤伊時政有得失之幾中夜耿耿顧庶事衆  
責之咸總蓋三朝一節之恒持實廣國之賢聲何嫌  
鼎軸韋玄成之盛業可繼箕裘名入金甌登庸之期  
不遠災纏木稼殄瘁之歎何遙幾軫亡鑑之悲繼抱  
晏駕之痛屬予忝承乎大位恨卿難作於九原感歲  
月之推遷奄釋憂服想風雲之契合追記功宗載洎  
吉辰將行躋廟之禮博採公議允叶侑座之賢念惟  
先朝常欲置於左右求諸神道固無間於幽明爰遵  
舊章用侈殊報茲以卿配享顯宗大王廟庭於戲國

典肆備卿烈愈彰一體君臣重成魚水之樂千秋俎  
豆共享芘芬之榮精靈永有依歸陪衛宛如平素常  
瞻陟降更彈仰戴之誠庶冀安安仍垂陰騭之佑

教洪萬  
容製

肅宗配享四臣教書

景宗壬寅

舉社廟之禮庸備綏儀定配庶之臣妙簡名德予志  
先蔽僉謀亦同爰稽舊章洩揚大號文忠公南九萬  
山河間氣金玉鍾英平生之直節清名文章乃是餘  
事晚歲之深憂遠慮宗祫賴其純誠蓋一節夷險注  
措立見精彩故千載契合眷遇不替終始廊廟周旋

則嘉謨嘉猷之密勿江湖欽退則御札御詩之頻繁  
至如知心之溫綸允為同德之元輔文純公朴世采  
生於李文成之後溫然程伯子之姿以繼往聖開來  
學為心以尊王道黜霸功為任志于學而希賢希聖  
孜孜五十年工夫願其君之為舜為堯縷縷千萬言  
章疏獨扶世教實著願波砥柱之功甫登台司已有  
白髮蒼顏之感何一老不憇遺也殆皇天未欲治歟  
忠正公尹趾完有沈凝敦確之隆褒有光明偉燁之  
大節當正色而立軒陞百僚皆憚其方嚴及奉身而  
歸丘園六丁莫挽其勇決言其鎮物之量屹乎喬岳

泰山語其扶社之忠重於九鼎大呂蒼生歎起來之  
晚聖主有親迎之心文貞公崔錫昂邦國棟梁士林  
領袖一心王室而憂明主十考中書而贊洪休文學  
濟之以才猷可以彌綸天下之務事業本之於經術  
無非賁飾太平之規錦五色而補裳山龍炳燬樂九  
成而諧德雲鳳翱翔茲實瑞世之名臣奚止救時之  
良弼雲鄉之騎箕相繼幾切殄瘁之痛昂湖之遺弓  
莫拚奄闕終喪之制茲屬陞祔之際聿簡配食之賢  
諸彥莫盛於先朝非無耆宿之與選僉舉皆屬於碩  
輔考其德行而可知茲以卿等配享追寢殿執手之

辰事如昨於今古想玉樓墮涕之日恩豈忘於幽明  
德容依稀想像蒲輪之赴名聲光掩映恍似肩輿之  
入朝乃於香火盼饗之間更見風雲際會之盛於戲  
君臣一體共侍陟降之庭俎豆千秋永享蒸嘗之薦

倘精爽之不昧庶福祐之陰垂

如製教李  
廷濟製

肅宗配享文忠公南九萬教書

景宗壬寅

躋虞主於彌室甫訖三年配宗臣於太庭僉舉一德  
古重斯選卿實其人永惟寧王厥有元輔蓋天地剛  
正之氣間世鍾精故廊廟經濟之姿自少儲望風節  
如漢李固唐宋璟文章如陸敬輿歐陽脩雖妙歲從



科目而登庸顧平生操儒術以進退當官輒行其素  
學若物探囊遇事獨運其沉機如矢破的肆列聖獎  
知之特達而皇考倚任之益隆謂其有宜左宜右之  
通材委之以主兵主文之重柄西曹政績備陰雨於  
綢繆三館詞盟回月露於馴雅遂金甌之叶卜贊玉  
燭之調元卿方正色而立朝士皆拭目而竚治謹論  
凜霜冰之戒縱跋疐之斯煩行藏閑滄桑之翻在名  
德則彌重久矣間廢而天運潛回幡然起來而世道  
復正以純忠柱石乎王室以清議領袖乎士流為宗  
社有淵深長遠之憂為朝廷有正大光明之舉懸魔

鏡而照象矣但塞竇於幽陰受域弩而甘心祇知措  
國於磐泰副奎烈火經百鍊而愈堅砥柱頽波立千  
仞而獨屹然搖撼無一日之安位慨展布未半途而  
去朝始以周元聖遜荒終作商阿衡告老辭祿等蹈  
刃之勇晚節增光懸車高結駟之榮達尊兼備有大  
事必問尚如著蔡之憑依嗟一老不遺奈何棟樑之  
傾圮殄瘁斯極典刑莫追何皇天不吊予家閔小子  
奄及大故中月條屆喪紀已闋於閭廬吉日肆涓合  
禘將行於寢廟願以五紀治平之盛烈固多一節終  
始之蓋臣若乃贊侑之良自有僉同之議以言乎契

合之盛則既退而有知心之音以言乎春禮之隆則  
方病而有執手之論論言巧舌雖當時百千輩之交  
誣苦情血忱至今日三十年而益驗惟其見未到之  
論曾昧張曲江之先知及此賊乃服之辰方歎李文  
靖之真聖豈徒本末之光顯抑亦陟降之鑑臨於戲  
宿昔之承弼依然堂陞之位分儼爾揀掄塵止於三  
四不出師生二人陪衛相望於古今又是祖孫兩世  
蓋此一體同祀之令典實慰百身莫贖之輿情

尹

淳  
肅宗配享文純公朴世采教書

景宗壬寅

終三年之制式舉陞紉之儀簡一世之賢宜行與享  
之典增褰躬霜露之感慰昭考霖雨之思惟卿生長  
簪笏之家服習詩禮之訓入太學而抗疏痛辨昔賢  
之厚誣謝舉業而讀書深究先聖之遺緒蓋誠意正  
心之學不煩師承故先博後約之工能自心得資質  
之溫粹則如良金美玉文理之縝密則如蠶絲牛毛  
翼六經而著書闡前人未發之義溯百王而輯禮作  
後學可法之資惟其制作之盛學問之純不越朱夫  
子門路至於出處之正擔負之勇悉遵李文成規模  
敬義夾持行不違於繩墨體用兼備才實具於經綸

三才圖會卷三十三  
二  
驚然處猷畝之中蔚乎有山斗之望當聖祖側席之  
日恨未繫於白駒及寧考拔茅之辰爭快覩於祥鳳  
從亞卿而擢冢宰蓋藉持衡之公自貳相而躋台司  
俾贊改絃之化謂時務莫要於打破朋黨謂治道必  
先於澄清本源大小封章固非齊家治國之要前後  
進對摠是尊王賤霸之謨辨是非則不倚不偏發言  
議則至大至正主一代之清論痛斥偽勳樹萬古之  
彝倫必誅亂賊出則著龜乎邦國退而楷範乎儒林  
杖履所過實多化俗之美山岳不運亦有及人之功  
惟朝野係望特深故前後恩禮罔替雖君子難進易

退未嘗四十日立朝伊先王待賢弘功寔藉五百年  
命世十行親札可徵昭代之遭逢一部遺編亦多小  
子之資蓋殷楹夢莫幾切不慙之歎鼎湖遺弓遽抱  
靡逮之慟屬膝廬闕諒闇之制而周廟有躋奉之儀  
祔而不祧將行萬世之彝典享則有配宜揀一德之  
純臣肆舉間世之真儒以體重道之先志云云君臣  
一體幸祭祀之與同魚水重歡想幽明之無間於戲  
深嚴廟宇儼奉月游之衣冠肅穆周行悅見朝趨之  
劍履常欲左右置實追愛賢之深誠未嘗跬步忘庸  
副戀主之至悃俎豆之享祀斯備奚獨國典之罔虧

明良之際遇益彰抑亦士氣之增倍

沈珙製

肅宗配享忠正公尹趾完教書

景宗壬寅

太室舉陞紉之儀永懷至痛宗臣從配食之列克遵  
彝章一體君臣千秋俎豆惟卿識慮弘遠器度峻嚴  
公忠正大之資未嘗韓范以下自處剛毅果敢之操  
雖謂賁育之勇莫當留與子孫幼蒙長陵酷似之獎  
班聯伯仲晚結先王特達之知選南床而名論最高  
處西掖則詞翰兼之持清議於涖灘改紀之日朝野  
想望仗威聲於關嶺按節之辰州郡震懼粵星槎涉  
鯨鰐之險俾日域識鳳麟之祥鄭文忠之廉潔自持

橐中無物郭令公之安否必問海外知名夷考其謀  
畫設施所畜至富歷試於甲兵錢穀咸適其宜際陰  
陽消長之機出處惟義罔滄桑翻覆之變名節獨完  
迨漢瑟更張之初有商巖爰立之命欲枉駕而臨第  
倚毗特隆許便輿以造朝恩禮絕異寇準上殿有百  
僚戰股之稱司馬入都協萬民加額之望苦心血懇  
暗護星月之輪輝讜論危言深杜幽陰之蹊逕世方  
倚卿而如何止斗卿乃捨世而復卧東山蒼龜能炳  
幾先有疑則可卜而決山岳不見運動其澤之所及  
者深處江湖而不忘進退之憂為國家而思殫夷險

文苑叢書 卷三十一  
之節頃元惡逞不利之志而大老效願死之心昇疾  
入城一身蹈湯鑊而不避抗疏叫閤隻手救宗祏之  
幾危李長源之忠言永固邦本張曲江之先見逆折  
奸萌逮茲翼室之宅宗已矣箕尾之淪彩三年易邁  
撫弓劍而增哀一老不遺悼衆鳥之莫返方當躋太  
廟之日正揀同閔宮之臣念先朝願輔名卿亦不為  
少顧今日國言輿誦自有所歸仰惟五十年既治既  
安誰共功者賴有一二臣同心同德從與享之於戲  
瞻禴祀而罔愆撫今昔而興感扶掖殿陛恩遇既隆  
於生前服食廟庭契合何間於身後精爽不昧應侍

着花之欄陟降在茲愧對調梅之席於戲前言若合  
符契逆覩老賊之情形丹心可質神明想應先靈之  
臨鑑邦禮肇舉尚共嚮於明裡時事有艱冀有賴於  
陰隲

肅宗配享文貞公崔錫鼎教書

景宗壬寅

廟祔舉升紉之儀既訖三年之制古今重配食之典  
須求一德之臣念茲錫寵惟新寔出奉先罔極瞻言  
先朝之賢相夙負重望於明時晏殊擅神童之名聰  
穎特達元凱有武庫之誦淹博該通長不踰人而量  
宏江河弱難勝衣而勇奪諸黜雍容進退之節人稱

瑞鳳祥麟清明愷悌之姿世比精金美玉肯究大戴  
小戴遍參以諸子百家學窮先天後天傍通乎九流  
三教陳圖說則發揮到底遇質問而左右逢原英華  
發為文章經術措諸事業三掌銓郎共推選掄之公  
十登台司益著彌綸之績詳定有法黎民賴安專對  
出疆殊俗敬服未嘗夷險變節何曾毀譽着胸在倉  
卒憂疑之辰懇懇瀝血之三劄論損益變通之制鑿  
鑿矯弊之十條久結聖主之知幾為善類之倚愛惜  
人物附夢咸歸於藥籠甄別品流妍媸莫逃於藻鑑  
臧否每嚴於澌慝薦拔必先於草萊歷事既多明鑑

被磨而愈瑩違閔不少良玉遭焚而彌貞譬風壑之  
鴻鱗契雖密勿蘊岳山之抱負施僅絲毫木稼告災  
驚巷杵之輟相涕淚霑袖誦聖教而疚懷屬予霜露  
之纏悲益切風雲之興想際駟難繫瞻龍馭而莫追  
皇天不遺愴箕精之已遠茲當紉禮之肇稱合有侑  
位之後升苟非同德股肱之人曷膺一體芬苾之享  
歷數當代之頌輔匪乏人焉博采今日之公言無易  
卿者於戲記功宗而秩祀迪高后而降祥庶幾周誥  
之共貞罔俾殷盤之專美撫今昔而增感瞻禴紀而  
罔愆於戲際遇既深悅陪威靈之陟降幽明無間宛

成契會之昭融故茲十行用宣想宜九原有格

如製教李

德壽

景宗配享兩臣教書

喪制甫終載備升緝之禮配儀聿舉爰簡同德之臣  
庸稽彛章寔循僉議惠之公以廣平苗裔為聖世股  
肱心志既實既純可謂九分底人物蘊抱且宏且密  
蓋有一副當經綸才猷夙著於明廷德望允叶於元  
輔調停時議則懋同寅協恭之方裁決廟謨則晰釐  
弊矯俗之要姚元崇救時之業濟之以通才李伯紀  
經邦之規本之於長筮至如北漢修葺之策實據東

韓最勝之形而區畫設施智可見於經遠然成敗利  
鈍心不存於計功前後主事之十年任群謗而不撓  
終始憂世之一念至老死而采勤炳然國耳之萃褒  
允矣聖心之灼見諒斯民之永賴雖沒世而何忘忠  
文公山嶽之精柱石之具流傳經學襲餘韻於大賢  
世篤忠貞承嘉訓於名父士流莫不傾嚮朝紳以為  
楷模位躋崇班而猶執謙恭之節戚聯禁掖而益著  
寒素之風孜孜以國事為心惓惓以世道為任屢犯  
人主之怒刺口盡言每懷王室之憂忘寢與食當大  
議而善斷滿腹精神綜庶務而曲當隨手杞擲惟百

責成歸於擔荷願一心匪懈於夙宵司馬光之體國  
奉公不過誠實二字諸葛亮之鞠躬盡瘁只為開濟  
兩朝惟茲並世之舊臣實是幹時之良弼始肅廟則  
哲之聖簡拔以遺迨先朝代理之初眷遇不替手札  
宣諭可想契合之昭融講筵橫經幾多訓誡之明切  
嗟箕尾之已遠舉切疹之嘆痛龍髯之莫攀奄闕  
祥禪之制茲當祔廟之際特選配食之賢諸臣莫之  
或先孰知耆德公議自此大定咸無異辭茲以追聖  
眷於賜柑往事如昨想異數於頒藥益愴于今陟降  
洋洋宛風雲之感會儀容秩秩儼冠佩之昵陪不昧

者存其從與享於戲君臣一體共侍肅雍之新宮俎  
豆四時庶歆芬苾之昭薦英靈長衛於左右陰佑永  
垂於宗祊

景宗配享惠定公李濡教書

三年制園載修祔廟之儀一體祀同爰舉配庭之典  
遵殷室與享之禮得周家同德之賢惟卿器度端凝  
智慮深密靈胄接天潢之派襲廣平永順之遺風妙  
齡躡雲霄之程為顯廟肅考之舊德孝友廉勤世罕  
其儔愷悌慈詳人稱酷似寇準濟川之志粵自韋布  
之咏詩鄭崇如水之心何關門庭之若市伊歷試餘



文苑備考 卷三十三 二十八  
四十載故事功難一二言置之翰苑處之經帷記注  
敏而論思切任以臺省授以郎筆言議正而鑑別明  
出則按三道之藩棠陰有詠入則握兩銓之柄李下  
無蹊遂叶金甌之覆名屢膺黃扉之秉軸垂紳搢笏  
巍然古宰相風規論道經邦允矣我國家柱石鄭國  
僑之釐軍政蓋出便民之良圖楚子囊之治王城深  
得待暴之長筮中間之進退以義終始之恩禮愈隆  
孔中丞之憂國如家寸忱可質諸葛亮之鞠躬盡瘁  
一節不移耆帖題名三達尊之蕭備便殿錫宴千載  
會之遭逢處官位盛滿之中操履彌約閱世路翻覆

之際身名獨全洎我景廟寔眷耆賢在儲位而禮賓  
師之尊幾資警誨逮代理而仰老成之德益篤倚毗  
紆前後之殊知藹然公耳國耳之隆獎贊始初之新  
化庶幾明我良哉之同休病淹床茲尚丹心之未改  
國有蕃蔡斯黃髮之無愆居然大厦之棟傾繼以宮  
車之駕晏箕精已遠悅流風之猶存軒弓莫追愴中  
月之奄過茲當紉禮之載舉先宜配位之從陞歷數  
當日之廷僚豈之名輩博採在野之公議無踰我卿  
茲以侑茲太室之明筮翼我宗國之景命洋洋左右  
陪先王在天之靈赫赫鑑臨照平日體國之惻於戲

寧王有一德之臣際會無間於幽顯闕宮從萬世之  
享秩禮罔缺於烝嘗迨今盛儀既施易名之典及爾  
後嗣更推延世之恩故茲十行之用宣想宜九原之  
有格

洪

景宗配享忠文公閔鎮厚教書

巨創終三年之制式舉紉儀太庭配一德之臣庸侈  
殊命優乎羹慕之增感惕然履聲之興懷顧宿德俾  
也可忘矧曠典亦有攸據稽我榮靖王之室配以金  
文敬之賢蓋其恩禮摯隆兼以德庸茂著雖不及逮  
事於貞康之日尚亦能從與於侑座之班禮宜取倣

於先朝予實有感於斯義惟卿忠誠貫於金石孝悌  
通於神明聞詩禮於鯉庭器資淬琢承警效於獅畫  
有淵源炳然有絕出之文而綜理事物澆然有挺  
立之節而愛好人倫精彩外騰望之若祥麟瑞鳳操  
守內確古所謂鐵心石腸始罹險難識困橫之增益  
旋起躡寔際泰運而濟并裒然內外之俱宜繼以樞  
要之進掌周旋庶政運沉機於理賦詰或指畫宏規  
輪赤心於愛人節用處地則溼莘家世自任則范馬  
經綸硬着脊梁括機務而敦我竭其心齋期死生而  
以之惟世之否泰汚隆係於進退凡民之疾苦寒饑

文苑補遺 卷三十三  
若已恫瘝處富貴功名之中惟俯躬而歛志及賢邪  
是非之際若截鐵而斬釘久作王國之蕃龜蔚為士  
林之楷範揚太尉操履廉潔宰相聞之減駟李元禮  
風流弘長韋布爭為執贄當爾考在宥之日幾春蓋  
臣之忱誠逮文子代理之初益篤元舅之倚毗宸章  
爛昭每切渭陽之興感筵對懇至可見臧孫之不忘  
上下相須而責弘猷明良交會而蔚盛際嗟乎一老  
之不慙重以大喪之荐罹痛大厦去其虹樑典刑邈  
矣悲舊臣踈若晨宿我懷惇然屬喪制甫畢於嚴廬  
而緝禮將舉於配侑惟其有德何論身死之後先無

以踰卿宜觀禮遇之終始所以有卿士詢謀之叶匪  
直為國家肺腑之親惜未作霖作雨於先王踐阼之  
辰遺恨終古庶幾或左或右於清廟薦苾之享報祀  
自今茲以卿配享景宗大王廟庭於戲懿烈愈彰微  
典克備昭融舊契想無間於存亡盼蠻明裡儼如在  
於陪衛撫今昔而興靈瞻俎豆而罔愆惟明靈之格  
思尚陰隲而佑只知製教尹  
心衡製  
孝宗追配享一臣英宗配享五臣教書當宁戊戌  
殷七廟之可以觀肇稱不祧之禮舜五臣之於斯盛  
爰舉從祀之儀方深霜露之餘哀架結風雲之遐想

粵昔寧陵之御極政勤商巖之求賢時則有若文正  
公宋時烈傑然以王佐之才出而為聖代之瑞辟立  
氣像蓋是鄒孟氏後一人海涵胸懷悉遵考亭夫子  
成法天地撐柱之義理一部麟經君臣灑落之遭逢  
千載魚水消長在道將天未喪斯文顯晦關時公論  
不待百世第茲文廟殿兩廡之後尚闕武侯祀一體  
之規迺者宋諸生疏顛之言實感予意適當周太室  
禮祔之際若待今辰肆正第九室配食之班庸表曠  
百代契合之盛念我先朝五十年神化實賴當時一  
二臣同心忠獻公奎昌集以安危可仗之材有生死

不渝之志傳家素節炳大義於泰山鴻毛為國純忠  
燮宸章於丹心白髮力贊辛丑大策劄陳丁酉故親  
十行之慈旨親承殉國志決三宗之血脉獨護衛社  
功深忼慨臨命之詩不流涕非仁人志士從容就義  
之烈將以愧為臣者二心漢四皓之調護儲皇何論  
逮事之未及宋韓琦之翊戴英廟固知侑享之莫先  
故僉議之已同亦近例之可據文忠公崔奎瑞風儀  
則鸞鵠之時識慮則蒼龜之靈野渡孤舟蔚乎寇樞  
密之宿望急流勇退超然錢叅政之高風逮戊申劇  
賊之圖凶賴當日元老之告急破三道連兵之勢孰

文苑補遺 卷三十三  
三十一  
爭公功想一絲扶鼎之衰有昭天鑑角巾歸第縱辭  
畫麟閣之勳寶墨揭楣之驗高雲臺之烈文忠公閔  
鎮遠姿是瑤璋金玉材則柱石棟樑陸敬輿之百牘  
經綸念國家之興喪趙丞相之一身去就係賢邪之  
是非前後苦心只是辨君誣一節平生藉手惟在明  
忠逆大開公私休戚之與同王室肺腑進退憂樂之  
無間廊廟江湖文忠公趙文命黼黻彌綸之才酸醜  
調劑之手活國素志范文正之願為良醫匡時至誠  
呂汲公之獨無私黨每謂彼此朋比之禍必將滔天  
而燎原所以上下調停之論殆欲纓冠而披髮出入

將相荷聖眷則偏隆文章事功在輿誦而不泯忠靖  
公金在魯其心則謙慎清素其才則通練聰明操履  
端詳進止無尺寸之失訐謾密勿精神及希履之微  
初聯黨藉於熙豐士類恃以輕重終作完人於元祐  
明主托以腹心居輔相凡數十年望蔚朝野蓋功業  
難一二計澤在生民茲當躋紉之盛儀俱合併配之  
藝典想殷后一德之佐曰篤不忘稽周家元祀之文  
宜從與享庸循一國之公議俾侑二首之明經追穆  
廟之配文純瞻聆咸聳繼長陵之享群音名碩滿多  
云云於戲衛英靈於在天既克左右啓後人於永世

崇降福祥和製教南  
鶴開製

英宗配享忠獻公金昌集教書當守戊戌

三年躋緝禮經所以明昭穆之儀百世功宗聖王所以重褒崇之典曠焉英廟左右之良弼孰膺闕宮配侑之令章惟卿文正文忠有孫有子純忠大節凜乎前寧人家傳白髮丹心煨然先神后宸獎際殊遇而處廊廟黼黻皇猷扶正論而闢邪領袖士類允係宗廟之安危緩急奮然擔當至若一身之禍福死生耻為計較猗歟辛丑大策敢誰甲乙其論當懿陵違豫之辰國勢危如一髮論義經明禹之象大義炳若

三光十行之慈旨親承實扶三宗血脉一封之聯劄繼進式遵丁酉故規宗祊賴安支大厦於一木七鬯有主縣寶錄於千秋豈意包藏禍心之徒迺生動搖國本之計韓范之樹立卓偉勒加詆誣堯舜之授受光明公肆沮戲北門潛入噫彼心將欲何為南荒遠投蓋其意必殺乃已白地鍛鍊計實懣於我賢蒼天照臨志彌堅於殉國終焉為先王一死足以愧人臣貳心悲切臨命之詩國人皆涕從容就義之蹟巨道攸程天理本自好還宿寤竟得昭洗宸鑑俯燭回皎日而照覆盆幽枉快伸滌丹書而被華袞啓星輝月

輪之慶元功其誰當陰消陽長之時國是乃定倘微  
 宗臣保佑之力詎致文相祈永之休四百年基業靈  
 長實藉補天之手五十載治化巍蕩罔非浴日之功  
 若論其翼扶貳極之忠不啻昭融之契合何必待魚  
 水一堂之樂方稱明良之遭逢際茲澹澹之期益想  
 斷斷之悃陞紉之縉禮奄迫餘哀廓然侑配之舊章  
 宜追賁烈卓爾江湖獎四相之節孰非同德之純臣  
 廟庭重一體之儀所貴首功之元輔非惟予志之先  
 定抑亦僉議之詢同若是其班我朝之近例可據罔  
 俾專美有宋之前事之徵人或謂護儲之功有異逮

事當日予則知存社之績亶合從紀先朝顧眎躬之  
 遭時亦既備經艱險慨民彝之將晦實多曠感忠貞  
 爰遵彝章用侈崇報云云於戲翊保偉節知無間於  
 幽明愛戴初心庶長衛於陟降遵豆之享載修式表  
 丹忠磐泰之基永綏佇待玄佑如製教  
 英宗配享忠正公崔奎瑞敬書金憲製  
 太室舉陞紉之儀甫訖三年之制西祀從侑享之列  
 勇揀一德之賢實循輿情用侈殊典惟卿鸞停鶴峙  
 玉潤金精風範端凝自是廊廟上器氣宇明朗殆非  
 烟火中人其識慮則布著灼龜之靈其文章則冠冕

佩玉之度早值明陵盛際蔚為昭代名臣清要遍敷  
而志在紛華之外是非必折而身遠黨私之中南民  
頌三閩之謠恰似趙閱道簡易之政北虜謝一言之  
過何減富鄭公獻納之爭恩眷方隆朝夕作商家之  
兩齒齡未暮十三上歐陽之章遂以退急流之選情  
益負仰高山之重望歸去林壑豈忘戀闕之忱閱來  
滄桑終驗保身之智當辛丑叶卜之日尚遲匹馬入  
洛之行逮先祖勸俗之治特垂一絲扶鼎之獎若其  
明良際遇之盛尤著諒闇入覲之初識面是求恩禮  
絕於常格執手以迄上下藹然至誠升餘載更入脩

門喜元老白髮丹心之無改一重字仰勉前席覺他  
人千言萬語之為煩雖情志交孚勉循休致之懇而  
風期密契不替倚毗之隆野舟自橫縱莫奪已行之  
志喬岳能鎮亦豈無潛運之功迨戊春莽伏之炳幾  
在羣年草跋之告急群凶連三道之勢忍言迫呼吸  
危一日踔五舍之程可見為忠憤激不惟陰謀之早  
破賊膽自寒抑亦天討之亟行石畫是賴故其雲掃  
電滅之捷即在蜩起蜂合之時力辭元勳清節深著  
親題四字御墨維新果然前日同子陵之褒竟符後  
來高雲臺之烈貞坊寶閣燦乎雲漢之異光沁郝孤



帆飄然有巾之行色浮雲自任其舒卷大星遽墜其  
 精芒九臺歸真果神仙之不遠十行宣誅尤德業之  
 可徵嗟老成邈矣遺風閔小子罹茲巨創流光易邁  
 滕廬之喪期已終中月查臻周廟之合禘將舉惟是  
 慎終追遠之風莫重侑從儻非扶社救時之賢曷膺  
 鈔簡茲詢一國之公議爰屬三朝之篤人云云於戲  
 想風雲而增感瞻禴祀而罔愆眷遇當時意常勤於  
 名致奉衛今日理豈間於幽明庶享一體之明禋永

垂萬年之真佑

內閣知製教  
鄭志儉製

英宗配享文忠公閔鎮遠教書

當宁戊戌

諒闇畢三年之制聿修陞祔之綏儀蓋臣亦一德之  
 譽爰舉配食之盛典禮有然矣從與享之惟卿姿是  
 美玉精金材則大厦齊棟世傳忠孝近襲父兄之遺  
 風身佩安危早負公輔之重望眷眷於邦家興喪之  
 兆勤勤於民心向背之幾苑為士林所推豈以葭莩  
 親相待或恐袞職有闕苟非堯舜道不陳觀其容止  
 聲氣之間展也樂只君子及其獻替可否之際允矣  
 毅然丈夫逮群孽之肆凶夫九死而靡悔風霜備嘗  
 於嶺微忍言讒口之交誣鬢髮益勝於涪江可驗定  
 力之采確寶玉全經火之後蓋殫匪躬之誠金甌卜

文苑叢書 卷三十三  
改絃之初允叶加額之望將裨春秋之大法獨扶天  
地之常經立朝四十年事功只以正君德明教化六  
字登筵數百言奏劄專在辨聖誣嚴懲討一端忠逆  
雜進於同朝沐浴而請薰蕕難容於一器去就以爭  
讜言不負其平生嗟域弩無時可已奸骨遠寒於未  
死雖毒螫亦奈我何當戊申起亂逆之辰始服先事  
之鑑至癸丑告休退之後靡懈戀闕之忱素操不渝  
於始終丹衷罔間於夷險何年起亡鑑之歎展布未  
終於股肱至今痛稼木之災事業不朽於耳目龍亡  
虎逝久矣秦巷之罷春地坼天崩遠爾昂湖之抱劍

將行躋廟之禮載消吉辰若論侑享之賢孰與元老  
况先朝常欲置於左右顧神道想無間於幽明云云  
於戲國典式遵卿烈愈著風雲際會既昭融於生前  
香火薦裡合褒崇於身後同君臣於一體長侍衣冠  
之遊享芬苾於千秋重作霖雨之佐尚冀英靈之昭  
格永垂宗邦之冥休知製教沈  
有鎮製  
英宗配享文忠公趙文命教書當守戊戌  
吉日舉陞祔之儀甫訖祥制清廟重配食之典庸躋  
元臣猗明良相遇於當時故祭祀與同於今日惟卿  
山河間氣棟樑偉材文章如美玉精金早歲魁蓮桂

之榜風儀若瑞麟祥鳳清名動梧竹之扉自韋布而  
憂百年病國之源范文正願為醫手在經幄而進萬  
言破朋之疏呂大防獨無黨心特立衆咻之中遂被  
再黜于外逮夫聖朝建五極之治嘉乃宗臣同一德  
之休嘗謂朋黨傾軋之私必禍國家而後已乃以言  
議和平之故一畀時事而責成主詞垣而掌五兵其  
才則文武吉甫由銓地而進三事其遇則魚水孔明  
作王室柱石之臣薰之以肺腑之親戡戎申集鏡之  
亂加之以帶礪之盟每以平昔謙約之心深懷權要  
英避之意章續懇摯累引勳戚之嫌契合昭融遂佩

安危之責酸醎甘辛之同歸調劑苦心血誠東西南  
北之無所偏陂大公至正韓稚圭之整笏國勢真磐  
泰之安司馬光之持衡朝著清朔蜀之閩雖風波相  
轉而不能撓砥柱之標雖水火懸殊而不能逃陶甄  
之手是以出入將相數三歲幾乎成就蕩平八九分  
殆一世止闔室之戈亦群工趨推車之路猗歟五十  
年邗隆之化永貽建中之謨若其一二臣寅協之功  
亦賴倡始之論惟世運方回於一變惜卿志未卒於  
半途遺章恨威顏之未瞻直由謹畏本性中宸對季  
方而每涕可見存沒殊私迨寡躬祗承丕基而遺風

五才蕭蕭 卷三十三  
三十一  
緬懷良弼翼室之歲月屢改邗堪霜露之悲箕尾之  
精靈云遐益切霖雨之想茲當躋室之盛禮宜舉侑  
享之彝章苟非肱股合德之臣曷膺芬苾同享之典  
輔佐歷數於昔日非之臣隣遭逢最盛於先朝無出  
卿右云云於戲勲業愈煨典禮罔愆陪蒸嘗於豆籩  
君臣一體衛陟降於殿楹風雲再逢精爽庶有依歸  
從衛宛如平素侑以春秋香火保我子孫黎民  
製 著 詰 教 林

英宗配享忠靖公奎在魯教書

當宁戊戌

芬苾重陪侑之禮庸修舊章風雲感際會之期聿陟

良輔賢非后不食家與國同休惟卿王國蓋臣相門  
賢子鄭康成專門之學早歲抗衛經之言范忠宣承  
家之譽餘事擅華國之譽心事質古人無愧律已以  
清靜謹譙才識濟當世有餘致用則聰明鍊達在下  
位而已負重望事三朝而匪懈一心聯黨籍於辛壬  
諸人劫火良玉捍賊鋒於東南一帶砥柱頽波雖時  
運屢變陂平而聖意深勤眷注雄藩度支之歷試展  
通才於錢穀甲兵天官司馬之迭居秉直道於銓衡  
人物典秩宗而宿昔之學不負登館閣而遜讓之志  
惟堅著茂績於錯節盤根上心簡在膺丕責於丹墀

霖雨與望翕然斤斤乎陰陽消長之機義先雪四忠  
之枉憂憂乎酸醎調劑之際身老歷百變之艱匡拂  
一出於衷誠聖主稱其無隱謨猷必本於經術同朝  
賴以有為屹為元祐完人歸然靈光古殿燕教誦傳  
於筵席恰似蓮燭之殊榮像贊命題於畫綃奚讓雪  
堂之盛事一二臣共貞之地荷眷畀無出其前五  
載邳隆之治秉勻軸殆居厥半年至謝事之請遂許  
求退素心身後隱卒之音至問臨喪舊例考其事業  
則昭載簡策言其際遇則不替始終茲當皇祖躋緡  
之辰載脩西祀配侑之典若稽殷書之從與享崇報

斯存亦越周家之詔大蒸典禮攸重奉神御而入廟  
如覩昭于天之靈簡同德而陪庭要盡慎其入之道  
肆衆論咸推碩輔而今日宜酬宗功云云於戲禴祀  
利成慟切駟隙之難及陪衛禮舉悅若魚水之重歡  
契合罔間於幽明感意彌深於俯仰千秋血食之不  
絕冀格神明一體君臣之與同庶贊陰隲

知製教  
金憲製

教書二 文廟從祀

文獻公鄭汝昌從祀文廟教書 光海庚戌

軒皇出震觀象緯而則天史頡佐義察蹄跡而取  
地繩結乍解墳籍乃生於是龍箠授河龜兆呈洛

文苑補遺 卷三十三  
四十一  
綠縑白檢述勛華之運金繩玉宇表夏殷之符制  
作雲興自姬公之才藝彝倫日耀原夫子之文章  
維天地之紀綱鑿生民之耳目崇禮讓而重仁義  
篤父子而正君臣昭揭斯文建標萬世楹真懿罷  
道錄誰傳幸孟氏紹嫡統於曾思俾學子分徑蹊  
於理慾何環轍而不遇率蘊櫝而無施寶笈迷流  
四海之狂瀾莫轉土墻當面千秋之衆瞽難開天  
文啓禎而聚奎儒彥聯鑣而鳴道瀟洛填唱闌闕  
荒應茅徑載鋤虹橋巨海公性情之玄曠邈天人  
之淵微妣姬正脉决堙泓而莫碍洙泗餘論航斷

斯存亦越周家之詔大蒸典禮攸重奉神御而入廟  
如覩昭于天之靈簡同德而陪庭要盡慎其入之道  
肆衆論咸推頌輔而今日宜酬宗功云云於戲禴祀  
利成慟切駟隙之難及陪衛禮舉悅若魚水之重歡  
契合罔間於幽明感意彌深於俯仰千秋血食之不  
絕冀格神明一體君臣之與同庶贊陰隲

知製教  
金憲製

教書二 文廟從祀

文獻公鄭汝昌從祀文廟教書 光海庚戌

軒皇出震觀象緯而則天史頡佐義察蹄跡而取  
地繩結卞解墳籍乃生於是龍篲授河龜兆呈洛

文苑龍圖卷三十三  
四十一  
綠綈白檢述勛華之運金繩玉字表夏殷之符制  
作雲興自姬公之才藝彛倫日耀原夫子之文章  
維天地之紀綱鑿生民之耳目崇禮讓而重仁義  
篤父子而正君臣昭揭斯文建標萬世楹真忽罷  
道錄誰傳幸孟氏紹嫡統於曾思俾學子分徑蹊  
於理慾何環轍而不遇率蘊積而無施寶筏迷流  
四海之狂瀾莫轉土墻當面千秋之衆瞽難開天  
文啓禎而聚奎儒彥聯鑣而鳴道瀟洛墳唱闌闕  
箎應茅徑載鋤虹橋巨海泐性情之玄曠邈天人  
之淵微媿姬正脉决堙泓而莫碍洙泗餘論航斷

菁莪之澤普覃岳陽溪山考槃酣樂齋郎簪笏折  
腰灰心太學薦何蕃倬倬者雖多可間田畝處伊  
尹囂囂然不改其樂然揚名顯親之可忽而強仕  
從政之何遲抗辭銅樓青宮動色陶民花縣墨綬  
勞心黃卷青箱延鵠袍而訪學萱風菊月聚鶴髮  
而獻觥綠草啼禽訟庭闐若一琴雙鶴行裝評如  
久搨翼於棘林空矯首於桑梓箴山美玉異彩隱  
沙礫之中埋獄神刀奇氛浮斗牛之際費明珠於  
彈鵲枉高駕而載鸞愉人之利舌如鋒廢主之狂  
威似虎始嫁禍於詞賦終肆暴於斧戕秦谷莽生

儒服盡填於窮壤唐庭露降清議舉投於濁流一時名賢並就黨禁或含鬚而伏斧質或斫棺而戮屍骸惟彼黑吹邊城玄冰胡塞非魑魅其難處共鳥獸而與居萬死投荒愉色揚揚如平昔七載就木旅魂訇訇乎異鄉於戲道與仇謀振古通患才難世用在今何辭孔孟棲棲於道途周邵遑遑乎草野垂空言於後葉卷斯道於當時未有三木纏身萬里委骨若此之甚也是以先王痛真儒之罹禍惜無辜而茹冤命師臣哀言行儒先錄所以成帙敷洩彌錫爵命右議政亦已追封洎夫六館章

甫之徒八路縫掖之士咸願從祀于文廟連歲投章於紫闈顧念先王睿鑑孔昭豈疑前賢道闕未造稽大措之夬斷致率世之遲難逮予匪人昧道魯學雖未見庸學註疏主客問答進修雜著於烈火之餘燼蓋嘗覩成廟批辭張寧名說孝同薦書於群玉之遺編悟卿衛道之勤嘉卿踐實之稔夷考平生之實跡允副多士之僉望云云茲令禮官往告家廟菲儀先設大禮隨陳既雪百歲前幽冤俾絲億代後禮享將以粉板文床齒程朱於左位犧搏羽爵舞文武於前庭聆琴瑟於杏壇走衣冠



於檜砌不欺屋漏建令甲於青衿無替廟儀受吉  
丁之血食較榮辱於生死何取舍乎重輕宜與七  
十子之流相唯相諾庶幾大小學之士胥勤胥懲

柳夢寅製官  
吏曹叅判

文正公趙先祖從祀文廟教書

光海庚戌

真儒後千載生丕闡繼往之學盛德必百世紀聿  
舉從享之文道之將行時蓋有待惟卿奎精玉潤  
慶雲和風以滄溪兩程張朱之心接圃隱一壺寒  
暄之緒灑掃應對進退之節修於家庭孝友睦婣  
任恤之風行諸鄉黨際中廟亨嘉之會擢上第登

庸于庭國人信若菁龜士林仰如山斗舍鷄舌於  
玉署晝日接三戴豸冠於烏臺風采倍百君仁臣  
直股肱嘉而元首起哉言聽計從上下交而其志  
同也孔顏之學大明於時堯舜之隆可指其日云  
胡神武之變遽出聖明之朝一陽初生群陰盡剝  
人無不至衆口爭崇於燦金天未欲治孤忠竟底  
於折玉身一時之雖屈道萬禩之愈伸大小群寮  
之進言非一二計中外多士之抗疏逾四十年永  
言衛道之洪功允合并配于文廟鸞停鵠峙恍如  
瞻其儀刑月輝蘭芬亦足徵於文獻念卿未盡布

之志增予不同時之歎元氣猶存斯文未喪莫謂  
大業未究於當時尚使遺風益振於來許

文元公李彥迪從祀文廟教書

光海庚戌

大賢之生不偶為師儒之宗公論之定有時盍  
舉崇報之典庸示異數載告端由惟卿間世挺生  
元精毓秀天資暗合于道勇往不待師承聖人可  
學而能力踐必由序進觀其終始獨得之妙最在  
明誠兩進之功繼瀛洛考亭之遺傳遇中仁明廟  
之盛際庶幾乎禮樂期致萬歲太平堯舜我君民  
耻見一夫不獲何圖設施之未幾遽見讒搆之橫

罹履險蹈危身雖厄於顛沛動心忍性功不輟於  
斯須惟進修八規之書及推行九經之義反覆數  
千百語悉出愛君憂國之誠首尾二十餘篇皆為  
妙道精義之發至如雜儀補遺諸說無非躡世立  
教之謨論道德則無愧於古人語事功則可質於  
往聖已有先朝之嘉獎祇欠文廟之綉儀議廊廟  
而未遑蓋以舉措為重勤韋布之屢請愈見詢謀  
僉同肆予特許褒崇使人有所矜式良辰吉日命  
攸司舉儀於國庠潔牲薰爐遣禮官致告于家廟  
扶植道脉鼓舞儒風於戲自東自西自北自南四

方無思不服有德有言有功有烈千載得與斯文  
文純公李滉從祀文廟教書 光海庚戌  
嗚呼我東雖僻小文不墜地道有所托粵自殷父  
師之後絲絲延延羅時之藝文麗季之遺風彬彬  
可觀而至於嫡統之傳則文忠以後繼之者無幾  
惟卿德器純粹襟胸冲深自其髫髻之年已有任  
道之志沉潜紫陽之書平生得力實在於此從事  
誠明絕其外慕根基既立操履益篤洞朗微妙發  
越光輝遠究洙泗之緒近接洛閩之流而蔚然為  
世之真儒士林始有依歸而朝野倚之為喬嶽矣

昔在先后之初年應召命而來京講筵三接懇懇  
誠正之說挽回一世庶幾清明之理十圖之規開  
發前聖之妙奧六條之疏昭揭經邦之至要真斯  
文之宗匠家國之蕃龜肆予小子纂承大業實有  
無疆之恤思卿之道德而風采已邈然矣慨其不  
得與同時徒切寤寐之想嗚呼卿既不可作矣念  
先后之際會已配卿於太廟之享矣日者臺臣獻  
規章布陳疏復有尊崇表章之請可見人心秉藝  
好德所同而其遺風餘烈感人心日愈久而愈甚  
非卿之深造精詣卓然為東方百世之師者其能

如此乎昔宋理宗慕性理之學興懷異代之賢若  
周若程若朱若張悉尊尚之並陞祀於文廟之庭  
於是士論歸一道統益闡南渡後甚盛舉也卿之  
所得之蘊實本於周程朱張而予之尊尚之舉恐  
後於宋宗予實愧焉茲者吉蠲為禮從祀卿於泮  
廟並與金鄭趙李四賢而同陞之新斯世之耳目  
表吾道之正脉者其孰大於此乃遣禮官馳祭於  
卿之家廟並諭厥由卿其欽哉於戲有其德者有  
其享國家之報典當然明斯道而倡末學萬代之  
瞻仰彌新

文成公李珣從祀文廟教書

肅宗壬戌

真儒為一世所宗固宜表章於國學公論待百年乃  
定詎緩從享於廟廟僉謀既同緝儀斯舉惟卿生稟  
星嶽道貫天人霽月此風依然周子之灑落金聲玉  
色允矣伯淳之渾成資已極於高明氣又養以剛大  
汎濫早歲人誰問於程張拔出迷塗勇實過於責育  
精思暗合於妙道卓識洞見於大原約禮博文兩致  
顏淵之竭力明體適用一遵考亭之成規不待師承  
自臻於堂奧有非俗士敢窺於藩籬門路之正淵源  
之深斯其至矣豪傑之才聖賢之學可謂兼之當宣

廟之寤寐英髦宜志士之展布器業謀謨啓沃之盛  
前古罕聞契合知遇之隆舉世莫及蓋欲格君為致  
化之本必以安民為固國之圖至若破朋黨而集人  
才與夫革弊政而講治法陳奏激烈率多流出於血  
誠潤色鋪張舉皆發揮於經術言行則至理可復志  
孚而委任方專驚讒人之中傷痛皇天之速奪養兵  
十萬誰識文靖之聖人彼我數年底興孔明之禮樂  
雖道之將廢也命亦沒而不亡者存門徒之在四方  
可知為先生弟子遺法之施後世何莫非大用宏綱  
矣但卓越於近儒實是繼承於往哲言猶在於簡冊

光耀無窮澤未斬於搢紳誦法不懈士類咸有所歸  
仰國脉潛賴其延長是其功化之洋洋不啻事業之  
卓卓易名贈爵褒隆既盡於累朝慕義懷賢享祀相  
望於下邑惟此泮宮服食之禮重未循章甫崇報之  
請勤經四紀而齊聲益見群情之久鬱有二臣而同  
志咸謂並配之是宜天未終喪於斯文事若有待於  
今日茲以卿從祀于文廟之庶舉先王所未遑者非  
盛德孰能與焉嗟先儀之莫追九原難作凜英爽之  
如在百歲奚遙予以慰答於衆心予以昭明於聖化  
夫子在上顏曾在下尚周旋而罔違國人所式多士

所依庶願佑之靡忒

大提學李敏叙製

文簡公成渾從祀文廟教書

肅宗壬戌

真儒繼五賢而興寔贊休明之化公議待百年而定  
聿舉崇報之儀三朝之遺意是遵舉國之願望可慰  
仰惟列聖興起斯文建庠序而盡導迪之方褒儒先  
而為誦法之地作人之頌此于周王聚奎之占軼彼  
宋室逮宣廟之熙洽有哲人之挺生惟卿天分既高  
門路最正講明踐履交致其功殿馭優游深造乎道  
承家庭之訓而業則廣得麗澤之益而見愈明理氣  
先後之分多昔賢之未發進退難易之際質前聖而

無疑蓋自退陶以來先矣山斗之望丘園束帛方覩  
明良之相須貝錦南箕竟嗟經綸之莫展行廢也命  
孟氏何尤於臧倉顯晦有時程學復明於南宋袞袞  
之贈風動乎儒林萃扁之頌日揭乎黉舍益驗天人  
之交勝何嘗是非之不公顧兩廡後享之未遑致四  
紀輿情之久鬱良由莫重侑食之禮不殿商量豈以  
一種醜正之言而有惑志姑且有筵式至于今肆予  
三復遺編蓋嘗細想餘烈天德王道尚規模之可尋  
謹言嘉猷悅警咳之相接屬章甫之齊額進卿士而  
博詢公論不可以終孤盛典不可以終缺越稽宋淳

文苑叢書 卷三十三  
祐之故事遂與李文成而並陞坡山石潭幾年朱張  
之講學杏壇闕里今日游夏之差肩實惟國家太平  
之基非但中外多士之慶殆有天意豈容人謀茲以  
卿從祀于文宣王廟庶於戲有能翼聖人之道者方  
合躋聖人之庭可以為百世之師則是宜享百世之  
祀尚藉英靈之默祐庶見文教之蔚興 大提學金  
萬重製

文元公金長生從祀文廟教書

肅宗

丁酉

萬重製

人君之表章正學所以定士趨聖廟之陞躋先賢所以明道統緝禮將舉公議僉同予惟本朝治尚儒術學校庠序之大備道以化成聰明豪傑之相望名世

繼出倚人文之極盛逮宣廟而尤隆惟卿早歲志學大賢為師言其宏深則地負海涵之氣象語其篤實則人一已百之工夫始自切問而近思終焉下學而上達性命精微之蘊洞見大原理氣先後之分益闡遺旨年彌高而德邵體既立而用行探討講論之功風動乎遠邇玩曠沉潛之效日造乎高明以至奧禮疑文亦多毫分縷析吉凶常變靡不析衷群言鉅細尊卑舉皆沾被嘉惠巍然山斗於一世皎若日星於昏衢肆勤聖朝之招延俾作國人之矜式正心誠意之學格君是先天德王道之要為國何有嗟抱負之

未究尚典刑之斯存菽粟之味布帛之文莫云知貴  
者鮮江漢以濯秋陽以曝可見慕德之深孔門四科  
德行居十哲之首曾氏三省忠恕得一貫之傳其功  
則繼往開來其化則範世敦俗英才樂育鉅儒多出  
於門墻正道大明後學咸仰於標準矣但一邦之誦  
法抑亦百代之師宗雖馳贈無以復加而崇報未稱  
其實願聖廡從享之禮咸曰其宜蓋文正致隆之論  
豈阿所好輿情久菟於三紀衆籲彌亟於八方不待  
廷議之博詢已有予志之先蔽誣賢醜正之習於彼  
何誅衛道崇儒之誠在今當畫茲以卿從祀于文廟

之廡統緒相承於前哲位序差次於文成美月吟風  
依然石潭之函丈升堂入室恍若杏壇之攝齊非盛  
德孰能與焉殆天意若或相者光儀莫接幾恨難起  
於九原享祀長存更命不祧於家廟予以彰明聖化  
予以慰答衆心於戲功大者其報必隆德厚者其及

必遠

大提學宋  
相琦製

文正公宋時烈從祀文廟教書

英宗丙子

人君之表章斯學所以正士趨聖廟之陞躋前賢所  
以明道統而世教豈曰少補矧國論咸歸大同惟卿  
得賢為師信道不惑惟淵源深故門路正上接石潭



文苑叢書卷三十三  
之嫡傳以豪傑姿有臨履功一準考亭之模範力探  
閩洛之微奧洞見大道之原志挽唐虞之熙皞蓋得  
聖人之任故魚水契合之盛自龍潛知遇之初謂扶  
植綱常莫若明尊周之義謂內外修攘必也先格君  
之心貂裘擬遠薊之寒尚想奮發之大志鳳詔緘兩  
露之澤暗契密勿之深猷際五百必興之期治教丕  
闡於彛則有千萬吾往之勇操履不渝於險夷日星  
耀九衢之昏山斗均四海之仰闢諛辭而正邦禮質  
諸古而無疑尊師道而勵士風到于今而受賜年彌  
高而德彌邵三朝之典刑獨存退則易而進則難一

世之汙隆是卜英才樂育大儒繼起於門墻宏範昭  
垂後學咸囿於陶鑄奚但一邦之誦法先宜百代之  
師宗院額特揭於華陽御墨動璀璨之色廟享未遑  
於此日士林激抑鬱之情始也三紀之請斬俞蓋緣  
慎重之意今焉八路之論歸正詎緩崇報之章是謂  
國人曰賢果然大德必祀茲以卿從祀于文廟之庶  
班序有秩統緒愈明暨同德而并躋悅襲蘭室之臭  
瞻賢師而孔邇宛侍杏壇之遊仰景行而興懷幾恨  
九原之難作就私祠而錫奠仍命永世之不祧微盛  
德孰與此焉而縟儀若待今者於戲庸培一國之元

氣俾聳多士之觀瞻典禮莫盛於豆蓬孰無矜式之志型範不泯於衣鉢佇見作新之休

大提學南有容製

文正公宋浚吉從祀文廟教書

英宗丙子

惟天篤生真儒式贊休明之教大德必得常紀率舉崇報之章茲循僉同之論庸示尊尚之意仰惟列聖尤重斯文褒崇先賢為多士誦法之地表章正學盡一世作新之方倚文教之旁流有哲人之輩出惟卿早歲志道大賢為師資稟最高藹然天理明而人欲淨門路既正卓乎大本立而妙用行湛索乎洙泗岡洛之緒餘多昔賢之未發剖析乎天人性命之微奧

質前聖而無疑當聖祖側席之辰膺丘園東帛之禮講說屢感於天聽溫諄范淳夫之釋經謨猷動合於時宜剴切陸內相之論事國耻莫雪於事葛無一日忍忘痛冤家計專在於尊周雖萬言不出修攘禮學是以範俗垂世必自修身正道是以闢淫距諛豈曰好辯惟道之所被也廣亦歿而不亡者存天若假年庶興孔明之禮樂士多薰德孰傳紫陽之衣書朝家之地贈雖隆猶未盡闡學之道鄉社之裡祀殆遍尚有歎彰德之方肆文廟從享之論即舉國共公之議三紀之請斬允雖緣慎重之規八路之籲齊聲寧孤

願望之意瞻寶墨於興院褒尚粵自先朝薦華蓮控  
泮宮崇奉若待是日禮則然矣祭在斯歟茲以卿從  
祀于文廟之庶位亞賢師躋同道友瞻焉孔通悅接  
弄月之胸懷德必有隣宛對玄雪之氣像念世教之  
扶植幾切不同時之歎侈家祠之芬芬爰仍勿遷主  
之禮於戲士風賴而不振國脉由是益繇餘韻尚存  
孰無觀感之志景行斯仰佇期作興之休大提學南  
有容製

文純公朴世采從祀文廟教書

英宗甲申

儒林負一代之名載垂宏規聖應殿萬世之享受舉  
盛儀茲切曠感之懷庸侈崇報之典予惟列朝之治  
化尤重斯道之闡揚庠序學校之是修丕彰文教門  
路淵源之相繼輩出儒宗惟卿姿稟甚醇工夫最篤  
妙齡究洛岡之學不資師承中歲堅丘園之操力探  
道奧尊玉黜霸講義理於春秋析縷分毫發疑難於  
經禮懃懇世道之托大賢昭臨命之書沉潛義理之  
工末學有考德之所乃若五皇極家計蓋覩一黨字  
弊源自古有國之道亡恒由朋比之習要今舉世之  
和協咸歸公正之塗物我偏陂之消融義竊取於洪  
範彼此酸醎之調劑言必稱乎文成末路難平人自  
外於掇括良工獨苦世孰窺其門屏迨彼寧考之簡

知首膺甲年之拔卜四十年養德衛道之志博群書  
而嘉惠後生第一奏扶倫立經之要排同席而嚴討  
亂賊彈告后之悃四劄昌言進牖俗之文一通大誥  
終始出處之義非中道而不由上下彌綸之功在後  
日而愈著嗟乎諸言之寢邈甚矣時象之漸乖予方  
懋平蕩之治擬陶鑄於斯世卿常主保合之論宛契  
合於同時念四紀闡化之辰既懷想之恒切當一代  
會極之日尤表章之宜先雖院宇已遍於安靈而俎  
豆尚闕於配聖輿情久苑可見諸路之同聲盛典未  
遑實出宏儒之必祀遂致宋史之相感詎緩殷禮之

亟行茲以卿從享于文廟之庶經享並躋於昔賢其  
有待者位序次第於文正若是班乎惟昔配清廟之  
庭曾許不祧於百世逮今從先師之庶益恨難作於  
九原於戲恩命初宣廷紳合辭而曰可鐫儀始舉儒  
衿拭目而爭瞻占國脉於延長英靈默佑回世道於

亨泰文化蔚興

藝文提學  
尹汲製

教書三

几杖致仕

頌議政盧守慎賜几杖教書

壽雋在厥服注意方勤於仰成老成有典刑寵錫宜  
隆於善養茲當求舊之日敢舉優老之章惟卿姿稟

文苑補後

卷三十三

教書

五十一

精醇器宇端確潛心乎窮理盡性學有淵源肆力於  
含英咀華發為文藻升載炎海寸墨不到於京師萬  
卷青箱雙趺未離於石上荷先王收召之命逮寡躬  
倚毗者深旋登鼎司之尊今至十年之久神功未宰  
人豈知月計之有餘大德難名予方倚喬岳而為重  
頃罹荼毒之苦久致巖廊之虛七十慕終身是曰孝  
之至也三年喪畢制豈非神所勞乎再入黃扉忠貞  
益懋於禁篤超升上座望實允協於輿情方當輔台  
之辰豈宜奉身而去縱曰年齡之已暮尚喜精力之  
猶強矧當一國之多艱實係百責之攸萃廷論日歸

於携貳誰與靖之邊圉屢驚於侵戎維其棘矣共貞  
予與汝宜思弘濟其艱難用閔天越民盡謀裕猷於  
終始薄將扶倚之具聊供游息之資隱烏皮而怡神  
起居方便於坐卧執鳩飾而在手行止庶杖於扶持  
審將息之易安冀永錫乎難老匪徒循乎故事信貺  
出於中心宜肩召老之一心永亮畢公之四世

覃休製

領議政李元翼賜几杖教書

卿今老矣豈合趨走於朝予欲安之斯有几杖之錫  
端由至敬實非虛文惟卿受誣流竄之幾年罹危辛

苦者萬狀江湖蓬華久隔北闕之青雲城市巖廊未  
返東山之赤鳥惟其樹立之逾確不以夷險而易操  
幸今天與西人歸叨此丕業如欲國安而道泰盍收  
賢眦肆於撥反之初先以登崇為急黎元憂喜何待  
察眉而知白首歸來允副加額之望爰虛首揆之席  
實荷股肱之良凡有謀猷罔不予告事無大小悉以  
國從何意君實之纒還遽告石碣之乃老雖筋力氣  
魄之或替尚耳目精神之未衰茲將供老之資以為  
取便之具赤籐堪把雖非西極之遺枯梧穩憑肯羨  
南郭之隱據烏皮而偃息為其怡神獲鳩像而起居

欲令禁噓寔置彥博之座用給蕭何之扶云云於戲  
國方倚卿宜倚几而治國卿實扶國可扶杖而安卿

知製教趙  
緯韓製

頌府事柳溥賜几杖教書

文潞公懇辭告老德則邵而年則高宋神宗溫詔請  
留賜之詩而錫之燕豈賢能獨之於當世而耆德莫  
踰於斯人蓋自古而猶然其在今而可忽惟卿莅官  
惟謹心常戒於循牆事上克忠志祇在乎徇國蔚乎  
見大臣體隱然有長者風何容量之休休而進退之  
綽綽稽疑謀國擬蕃龜之可憑告老乞閒顧氣力之

尚健遜讓無異於文潞寵數不及于神宗愍勞于事  
務之劇煩許處乎樞府之間靜榮貴無間勞佚則殊  
况今几杖之分實備尊安之具豈但因循乎故例所  
以愛惜於舊臣當如富弼之愛君以輔台德毋執邪  
奚之請老而有遐心

大提學  
趙綱製

頌府事李景奭賜几杖教書

尊賢敬老王政之所當先備禮加隆國典之不可闕  
茲將殊錫用優元臣惟卿孝友根天文章經世司馬  
先一箇誠字可行終身李文靖兩入中書未嘗害物  
惟其德尊當代所以恩隆累朝身備嘗乎險艱蓋見

樹立之愈確迹不安於廊廟只緣時勢之至難喬岳  
大川功利何待於運動丹心白髮典刑尚賴於老成  
故每申引年之忱猶未副致事之請舊臣殆盡瞻靈  
先之獨存大事必咨仰著龜之先見而年齡踰耆之  
境豈筋力為禮之時潞公入朝何安終日之侍立石  
奮歸第猶煩歲時之起居宜崇安老之儀以表尚德  
之意姬家舊典授素几於國賓漢代遺章頒玉杖於  
大耄出入與共庶可扶顛而持危坐卧斯憑敬其頤  
神而便體茲授卿几杖於戲齒爵尊於天下如卿更  
有幾人輕重佩於國家待卿夫豈偶爾尚殫忠智庸

文苑叢書  
卷三十三  
五十九

答寵光

知製教南  
二星製

右議政許穆賜几杖教書

老者安之詎弛將護之念禮則然矣爰申几杖之頒  
所以優賢聊用備物惟卿自任經濟餘事文章早遊  
名相之門昌黎之於李漢晚作寡人之佐西伯之於  
呂望深知經學之純愈思倚毗之篤念昔禮論之橫  
潰賴卿正議之倡明當路睚眦那免射影之弩介石  
貞吉僅避入室之戈行藏中清而中倫棲息某丘與  
某水迨當新服敢忘武德之一言尚有舊臣不煩莘  
摯之三聘付以風憲而群邪匿形畀之銓衡而百職

順度仍登金甌之選俾專玉燭之調朝少微於北辰  
黃扉赤舄耀三台於南極白髮丹心磨不磷涅不緇  
瞻砥柱而屹立年彌高德彌邵儼靈光之獨存然由  
榮衛之或愆屢煩退休之深懇誠非薄於宋帝未借  
李昉之小輿禮有愧於唐宗猶慙魏徵之殊錫顧茲  
養老之具寔是致敬之方賜烏皮而便身漢事然也  
飾鳩杖而禁噎周制存焉造次扶持奚取靈壽之侈  
息偃依倚可代枯梧之功既已告年於杖朝何妨論  
道而卧閣云云於戲扶將傾之大厦正須棟樑涉無  
津之巨川唯恃舟楫勿為筋力之禮勉進老成之謨



如製教李  
夏鎮製

錦平尉朴弼成賜几杖教書

禮待儀賓即國家親厚之意安養耆耄亦王者尊尚  
之誠茲稽舊章用侈殊錫惟卿潘南望族寧陵館甥  
符彩炯明稟得星嶽之秀器宇安重蔚然瑚璉之譽  
詩禮傳家遠襲文正文康之遺烈忠貞繼世久被聖  
祖聖考之殊知友道則與東平尉切偲自少絕禁醫  
之習師門則有先正臣訓誨至今誦心經之書平居  
若儒生游心於文史翰墨之內自守如處子律身於  
規矩準繩之中專對異域而拚寵褒之章提舉諸司

而懋公平之政國制所局奈阻宸猷之贊襄老成尚  
存猶幸故事之就訪歸然四朝之歷事允矣三尊之  
俱全秦樓之彩雲夕空雖失君子之偕老魯殿之靈  
光獨在永為國人之所瞻瑞芒祥輝宛回弧南之星  
曜渥顏華髮儼若地上之神仙當銅闈初接之辰見  
至誠於獻年之語屬錦城三揀之日示深意於慶壽  
之詩惟今年恰滿於九旬而上壽罕觀於近世神明  
所佑縱喜榮衛之不愆起居猶修豈堪筋力之為禮  
向來宴需之賞奚表予心每歲食物之頒不過例典  
肆以念舊之意仍軫安老之方授素几於國賓西周

之禮可致頌玉杖於大耋東京之制之徵我朝以來  
雖或施於耆輔名臣自古得此賜者幾人若稽我英  
俊盛時乃有李清平古例留傳歌咏尚想洛社之盛  
儀曠絕恩榮別是沁園之美事既其地處之相似矧  
今齡筮之尤高依國典而催宣本非苟惠降手書而  
佯諭豈可終辭茲授卿几杖鳩刻隨身宜作不噎之  
祝烏皮便體庶為怡神之資卿其以是扶持於焉憑  
倚朝班進退何煩趨走之勞暮景優游益終高朗之  
德於戲九五福一曰壽理不僭於徵仁三百年再見  
今事堪誇於匹美女壺香邈撫往迹而愴傷西樓瞻

望體舊眷於考造

知製教書  
吉輔製

鶴城君榆賜几杖教書

當宁甲辰

於乎先烈之祗述今辰何辰歸然宗英之獨存前甲  
後甲蓋予心方切於感舊而殊錫特侈於曠前惟卿  
以葛藟親享松栢壽際甲歲誕聖之會藉屬璿潢逮  
辰年御極之初秩躋緋玉九耄康旺樂亭午之昌期  
一心謙恭荷同庚之恩教肆予祗承舊服視卿特異  
諸宗每朝扈蹕之時輒命劔佩之夙回首歲饋老之  
典庸示庖廩之特優奚但王家敦懿親之規蓋出平  
日尊高年之意迺者新甲辰朝會皤然舊摠管入容

龍飛之寶甲重回予方踐先王之位鶴立之癯容不改卿又陪舊日之班惟歲月之適符若不偶爾見羹醬而猶慕况於人乎纔大庭丹綉之誕敷願侍班黃髮之可貴內帑百朋之錫特示優老之章黎園一等之音要作飾喜之具苟欲安始背觀齒之老厥亦有烏几鳩杖之頒扶杖朝堂考禮經之遺制據梧燕室遵者俊之古規於戲曰齒曰德曰爵焉可謂今世三達是歲是月是日也所貴者臣一人臨殿陞而宣麻禮則然矣命簪紳而赴席古有是不

內閣知製教  
林祐源製

左議政鄭琢致仕教書

尚有老成方俟赤鳥之返罔居寵利益堅綠野之歸心焉缺然念之深矣惟卿瑚璉器茂愷悌神扶沂師友之淵源所造既卓藹家庭之誠孝欲掩彌彰璣衡能創於妙齡藥筮亦知其餘事崎嶇芸閣衆議鬱而興嗟按擢薇垣同朝為之甚喜位愈高而心下年且暮而望隆歲值龍蛇寇劇隳突宗社越在草莽憤極神人筋力殫於馳驅忱識板蕩肆同暴露幸得回鑿恢復舊疆固是皇靈之振迓續乃命執非宰臣之勞卿縱不言予嘉曰篤置諸左右蓋因霖雨之思託以腹心何煩夢卜之末倚毗斯重裨補既多鐘鼎非心

松楸結戀昧昧先朝之老翩翩二嶺之南羊酒之間  
纔宣俾長西樞逸局羈勒之勲初定庶見北缺同盟  
何圖側席之時遽有懸車之請挽六丁而志不可奪  
舉一世而事固罕聞猷猷蒼茫有疑奚質章疏懇款  
在禮則然云云於戲白首菟裘勉副乃老之願丹心  
象魏應切亦憂之誠

頌府事宋時烈致仕教書

所謂伊人於焉逍遙即周雅永夕之願若其有德不  
得辭謝乃虞朝尚年之規然念強拂勤懇之誠亦非  
禮待儒賢之道茲姑副休致之請寔益切勉留之衷

惟卿純粹之姿剛大之氣接開洛淵源之緒允為海  
東真儒自乾坤翻覆之初獨扶天下大義始抱道於  
林壑若將終身夙系望於安危未果忘世荷孝廟之  
殊遇與群賢而彙征舊學即同於甘盤何待風沙之  
夢訐謨日進於前席不啻魚水之歡晚膺末年之復  
延實贊大志之肆奮受委軍國之務竭力開濟之圖  
風旨激揚揭常經而不泯機謀密勿究秘乘而可徵  
既挺砥柱之高標將贊雲臺之偉績風雲相感際會  
最盛於千秋弓劍先遺悲恨奄纏於百代故寧考致  
敬深篤思舊人圖功有終爰登庸於廟堂幾訪修攘

之策雖退處於田野不渝尊庇之忱當幼冲在疚嫜  
嫜而奸邪為謀滄滄彼讒者成是貝錦莫悟盜言之  
孔甘吁嗟乎不承權輿竟致荒裔之遠邈惜兩朝契  
合之密予不及知俾六年幽囚之罹悔何可追迨堅  
冰之馴至即瀟雪之幸消蓋保全若有所扶惟消長  
自無不復取兇徒投畀有北戒金柅之始踈迎碩輔  
旋歸自東喜赤舄之復覩程叔子謫裏鬢髮不變昔  
日之容真西山夜半陳論摠是祈天之本非惟小子  
感悅悅披霧而抉雲抑亦四方瞻聆若祥麟而瑞鳳  
仍賓師之舊位倚元老之弘猷衛武維德之隅可取

此於淇竹傳說交修之益早著美於商梅纔少慰側  
席之思何遽作初服之計在頃年入對之際祈請既  
至再三暨前冬赴召以來封章又過數十久西樞之  
閒適只體執謙之心許東洛之優遊奈非仰成之志  
予嘗以古人追先帝之義為望卿每舉大夫致其事  
之禮為言言念時艱罔知攸濟顧瞻朝著誰與有為  
卿辭愈勤固有難於強迫予意尤切所以久而遲徊  
繼見陳劄閱愆和之浹月爰諮僉議勉允請於引年  
為安旅邸之病懷姑從英讓之雅意名遵故事縱月  
朔之一朝道在相須願晝日之三接惟其篤棊之實

三教補遺 卷三十三  
自無間於始終至於憂愛之際亦豈異於前後留輔  
寡德已知不食乎前言備將微誠申諭如渴之至意  
卿豈忍棄予而遐適乎則所望卿者深深願養精神  
庶无妄之有喜誠誨朝夕冀不逮之是正如國家政  
令之有疑當倣漢帝之就問苟朝廷利害之攸系宜  
效富相之進覲入詣經幄之班可以繼此得見與聞  
籌司之事亦須在官者同業已遂遠耻而長庶則何  
妨鞠躬而盡瘁流年遲暮固宜有休佚之請世運循  
環夫豈無轉移之會莫謂懸車而退終副得與之休  
常珍致優視凡例而自別先揖及爵考往典而當行

重與大臣徵士而講論屢遣近侍冢宰而宣布頻繁  
進參之節自有稟定之周詳丁寧奏對之辭益見忠  
悃之懇惻云云於戲詢茲黃髮哲后之謨猷無愆矐  
彼中州君子之經綸非晚已令肩輿來造佇聞金玉  
之音無將手板付還便起山林之興盍念勉從之旨  
庸彈共貞之圖

如製教趙  
持謙製

領府事南九萬致仕教書

收家髦於遜荒赤烏之返未幾引國典於告老素履  
之往難回固知進退之非輕其奈去就之已決肆揚  
浚瀋庸褒遜嘉惟卿金璞精英山河間氣公侯必復

遠襲故家之風猷師友相規夙彼賢門之誘掖揚泚  
節執守堅正忠諒得之天資范淳夫經術淹通文章  
即其餘事當妙齡發軔之始荷先朝迪簡之知講幄  
討論蔚有真學士之譽臺垣封駁凜然古諍臣之風  
銓筆甄一代之品流士論以為楷範繡衣任諸啓之  
廉訪人瘼賴其擲屣舊典與聞於釐新外補或寢於  
重內蒲鞭惠澤西京之父老追思棠蔭風謠北門之  
鎖鑰增重逮夫眇躬之嗣服久矣故里之投閒敬輿  
之章奏懇勤遭奸黨之陰中曲江之識慮深遠跼逆  
節於將崩及至泥灘之更弦首膺詞壇之執耳擢長

司馬士稱儒者之知兵晉陟台扉衆喜賢人之當路  
譬泰山喬岳固自有及物之仁如大蔡元龜動必著  
稽疑之效何中間展布之未究慨向來跋寔之斯頻  
嶺海之厄累經董桂之性愈釋雖風霜閱歷之久顧  
名節則無瑕惟陰陽消長之分以出處而可卜屹為  
中流之砥柱巋然獨立之靈光所以置相之音復在  
居洛之後獎之以公忠清直所謂知臣莫如委之以  
燮調彌綸亦既舉國而聽素守不渝於終始金百鍊  
而益剛苦心可質於神明血一斗而愈赤尊朝廷於  
日月之上鬼域遁形決大議於倉卒之間中外拭目

往事蓋出於長慮斷乎無它時論欲置之重科噫亦  
太甚雖一時勉循於臺議伊寡昧洞察其本情前後  
絲綸每宣知心之諭平生契合可見執手之時丐休  
之章累陳久知素志之難奪圖任之誠深篤豈惟黃  
髮之無憊勞魂夢於紫宸應深葵藿之志隔風采於  
黃閣益切霖雨之思肆遣近侍而偕還蓋欲前席之  
面諭衛士加額爭覩肩輿之入朝便殿賜顏深喜鬢  
髮之勝昔晤言復接覺沉痾之自痊誠意未孚奈適  
思之若浼交修共濟方欲耆舊之彙征乍進旋歸想  
多朝野之缺望予意必欲其留邸至懇強副於懸車

既莫回長往之心予不得已而未忍便訣之意卿豈  
獨無烏几鳩筇非無優老之盛典歲問朔餽特遵奉  
朝之舊章兼天下之達尊士流皆仰閱世間之榮辱  
晚節克完居然一壑之經還縱有六丁而奚挽潞國  
之精力尚旺詎無惜賢之情李靖之遜辭彌堅實為  
成功之美往郊圻而無遠可慰乙夜之懷有國政則  
必聞佇見辰告之益巴江一棹飄然范景仁之歸裝  
都門駟車賢哉疏大夫之行色茲領敷心之告庸責  
乞骸之行於戲邦國艱虞予未堪茲多難江湖靜散  
卿獨占其長閒商阿衡之弼臣訓戒常勤於身退杜



文苑叢書卷三十三  
五十八  
邪公之循國憂喜不忘於家居卿可忽然予所望者

權詹製官  
知製教

領議政崔奎瑞致仕教書

藐寡躬惟一德之是仰寔期初服之贊治伊苦心歷  
兩朝而采堅勉循元臣之告老與其迄靡以虛禮曷  
若胥字乎至誠乃敷如綸庸褒介石惟卿珪璋厥聞  
金玉其人遊於賢相國之門髫齡擬晏揚之匹處乎  
崔文貞之里弱冠齊李杜之名志行端純家有蔡君  
謨之賢毋風儀雋爽人瞻韓稚圭之美鬚即溫望嚴  
外則著謙恭之德顏弱植固中實蘊執守之貞遂摘

鑿於高科仍發軔於榮塗原明講討經帷闡啓沃之  
功孟博澄清繡斧著廉按之效抑偉而任激揚之責  
在銓席秉筆之初抗章而明父師之分亦士論頽波  
之日維揚故老猶傳麥穗之舊謠湖甸遺氓尚頌棠  
蔭之餘化內外之歷試幾遍聖明之眷眄愈深而沁  
都次月之超班保障增重及燕山飲冰之行役蠻貊  
可行居諫職則效封駁之誠蓋累誠於墨勅覆廟奏  
而慎恩賞之重實深惜乎繁纓自亞卿而擬度支由  
上簡而擢司寇天官高八座之位甄品益明藝苑主  
一代之盟粉黻載煌文章雅潔若對冠冕珮玉之容

器度莊凝何啻球璧琳琅之美素著李文靖之儉德  
蕭然旋馬之廳初非翟廷尉之間居猶是羅雀之巷  
嗟先朝未究厥用而中年勇退急流一壑經歸雖六  
丁而莫輓終朝不俟視萬鍾而若輕間朝周行縱勉  
應乎恩旨旋尋故里蓋益決於休退丹宸深思教或  
勤於匪怒素履采芻秩愈峻而必辭江湖屏居者十  
年天日逖違於雙闕晚歲林下自葆頤養之真一部  
床頭更有參同之訣清風跨節獨超世路之雌黃敗  
揖傾榭坐觀宦海之波浪至恨長結莫陪耆社之筵  
脩門未還竟灑茂陵之血迨我大行之臨御會值國

勢之屯艱曩事追思忍言小子之踰泣血疏遙卷反  
遭群邪之遏沮及新化更張思收黃髮之遜野惟舊  
人圖任首膺金甌之卜名迨首尾三四年間幾殫必  
欲致之勤諭瀝肝血十數章上莫回誓不渝之遐心  
衆裳雍容合端委於廊廟角巾瀟灑惜閒放於丘樊  
御札親頒夢想長勞於丙枕危衷自罪暴露不憚於  
唐炎豈報主或弛於忱誠欲處義無異於前後何皇  
穹不吊我國而五載荐罹大喪仙遊莫攀痛穹壤之  
何極老相入臨尚朝野之有依周人詠碩膚之詩文  
歎飛鴻之遵渚衛士有加額之喜爭遮一馬之來西

諒小慰於孤心底仰成於舊德雖嚴廬踰擗之日亦  
覺悲喜于中想寧王陟降之靈豈不悅豫乎上勤哀  
詔十行而語已竭限禁閤一步而辭益堅物色桐江  
尚客星之犯坐咫尺楓陛詎元老之阻顏至悃思效  
於奉朝曾暴先后初心無何於辭爵復申今章遂乃  
撰常格而不拘先許以軍銜而入對近御床而執手  
雙淚泫然瞻靈殿而叩心萬事已矣千翻桑海大老  
歸來一席君臣誠意霽蔚循至懇於釋負申故典於  
引年豈獨無几杖之儀爾侈優老之典不欲加簪紱  
之累勉允謝事之忱可謂三達尊之俱兼縱全美於

晚節終許兩聖朝之所靳若有歎於予懷要言不煩  
深服一重字之為誠聖訓斯證殆同半部書之佐治  
卿既篤提身之箴予可忽服膺之意悃幅畢露嘉藥  
石之進規神情不衰喜鬢髮之勝昔而盛際似若有  
對殆天意留以相予野舟虛橫幾年洛波之龍卧靈  
光獨在是日虞庭之鳳來昔也休官少一紀於范鎮  
今焉引老多二年於孔戩不食與老成言子乃曲副  
願得為朝廷重卿且小留有時肩輿之造朝可期便  
殿之賜接追肅廟思公之諭予豈或忘想先王俟秋  
之音卿亦增痛午橋之田園雖樂毋違其歸寅陞之

星辰是依詎忍便訣庖廩繼朔既軫旅邸之疏寒門  
屏省喧為安病裏之將攝云云於戲因山奄卜嗟日  
月之幾何寶曆新承凜溯水之臨履祗期國政之與  
議無大小而悉以就諮非復職事之相煩其進退而  
豈不有裕向來殊遇詎忘追先帝之心中夜悲歌想  
切泣孝宗之感益彈共貞之義毋益篤悲之誠

遂元  
製

判府事閔鎮遠致仕教書

恭已南面孰贊予治釋位西樞勉副卿懇而進退豈  
不有裕蓋君臣貴相知心惟卿金玉之精山河之氣

服名父家庭之訓忠孝相傳承文正道學之源流流  
有自謙恭雅素折節有寒儒之風正直誠忠竭心任  
世道之責士流莫不宗仰朝紳以為楷模自在小官  
之時已抱憂國忘家之志及登崇班之後尤以鞠躬  
盡瘁為期筦鑰圖書藩府之布置有法機務規畫廟  
司之裁決得宜忠言數陳利害禍福之不顧直道三  
黜流離擯斥之何傷當國勢危綴之辰著我卿忠愛  
之惻范景仁之鬢髮盡白只為宗祊趙汝愚之腔血  
如丹可質神鬼以訐揚而為目何其酷乎以唯諾而  
為名噫亦甚矣逮至寡躬之臨御特召舊臣而登庸

靈光獨存司馬返而衛士交喜砥柱屹立李公入而  
朝儀始成前後劄奏上陳懃懇苦心出卿扶大義  
竊期曉諭於群方予靳勉從不欲提說於今日血忱  
斷斷可謂上徹於穹旻時議紛紛未免再逐於嶺海  
不幸邦域繹騷遽見亂逆猖狂曲江之言始驗雖悔  
曷追宣室之席久虛屢召不置每稱與四臣同罪豈  
不過歟予欲以皇極為治誰與共者薑桂之性愈斲  
固知秉執之難回霖雨之恩方深詎容耆德之遠退  
茲勤絲綸之宣布幸致元老之歸來赤舄還朝縱慰  
加額之望黃髮遜野猶懷乞身之圖與其遠焉不親

使之處外曷若留之不遣許以投閒肆藉引年之舊  
章庸副謝事之至願文潞公之告老尚勝少年周元  
聖之留京不忘王室廟謨時論雖難望一一聽裁書  
接朝叅亦自宜頻頻晉對此實不得已之舉須臾必  
欲留之誠時像已潰而無可做之形固知攸濟嚮用  
未究而許丐閒之請予復疇依惟眷待不替於始終  
想報效罔間於前後龜藏室而有稽疑之效敢侮老  
成虎在山而有衛物之功竊幸國事滄桑屢換不失  
為元祐完人城市猶聞則何羨東門太傅云云於戲  
望卿行之挽止至有執手而言顧時勢之艱危此豈

乞骸之日須記前夜面諭之意仍留都閩毋負曩日  
手教之書永扶社稷宜體曲循之眷益殫共濟之猷

鳳翼製

李

右議政李台佐致仕教書

人臣立朝蓋必以保全名節為貴聖上臨下不專以  
羈縻爵祿為恩是庸薛公誇懸車之榮戴經優賜几  
之典前史所美古禮則然予有一二臣同心非不念  
耆德之圖任卿至六七請未已亦難孤暮景之巧聞  
庸獎高風俾警頽俗惟卿孝友天得清白世傳名祖  
風猷士誦丁歲抗議之章賢父規範家藏桐湖講禮

之書襲此前光擬以大受其心公故誠以一其器宏  
故周以通王文正之權衡允為經國之菁藜范純仁  
之忠恕咸稱儀世之鳳麟德容冲襟賢愚皆悅簡節  
疎目弛張俱宜接之於涇渭盪滯之中虛舟自在全  
身於霜霆摧剝之後善刀而藏自其進退本末觀之  
一以敦實忠厚做了格君第一義每先於端本得人  
通籍數十年遂至於謀王斷國顧眷知粵自賓席伊  
心簡爰立台司引群材而待需則若藥籠之蓄參朮  
集衆善而為用則若海量之納江河不知牛李朔蜀  
之為誰忠於君者是與殆非平勃浚鬲之所及利諸

文苑叢書 卷三十三  
國則必行心平氣和雖異已死敢議者言訥行敏而  
臨事亦自沛然足以小子之仰成確乎元老之持重  
前領府有貫日之操而寔賴共貞於艱危故海恩有  
補天之勲而尚稱包容於盛德雖彌綸協贊若死赫  
然之聲伊酸賦調和自有博哉之利三朝頌德獨為  
元祐際完人八載苦心每在急流中勇退迨前星耀  
震邸之日驗昔年回泰運之言卿心可質神明衆多  
眷係於中夜人力能奪造化每謂取必於上天華封  
之善禱果符舉騰賀於延頸鄴侯之宿願已畢今有  
辭於乞身當國勢綴旒之時卿固有未忍訣者及儲

位顯冊之後予何可不踐言乎固知六丁之難回所  
以一劄之即允留之不遣始勉數年之姑徐浩然其  
行反悔前日之成語藍田之章牘甚懇先戒式遵綠  
野之鐘鼓雖聞我手如失焯煌十行之宸札鄭重三  
字之寵名鴻翮舉千里之飛邈矣高標之難及燕翼  
貽萬年之計奈此舊人之死多曰大夫皆賢昔聞二  
疏父子去神仙不遠今見一門兄弟予雖惜赤烏之  
去朝人則艷黃花之晚保云云於戲懷胄筵之袖劄  
尚記座右之銘醉便殿之法樽應結天上之戀憂民  
憂國何間處江湖之遠居廟堂之高以福以康所謂

無軒冕而榮不導引而壽

命教製曹

判府事徐命膺致仕教書

當守己表

未七旬而丐休在古有幾纔一疏而許副知臣莫如  
賁三字之華啣澳十行之溫諭惟卿受知聖祖濟美  
先卿端儀聳百僚之觀綽乎真宰相器邃文貫五車  
之富粲然古作者風諫省初章慨有興禮樂之志經  
幄三畫不陳非堯舜之言歷兩銓而使四方利器錯  
節外三藩而內八座平步亨衢望實允叶於詞垣眷  
遇夙自於賓筵製作彬蔚克贊一治之文明顧問從  
容多賴雅論之開發東觀筆札奏稽古之新編太室

冊章燬摹天之大手一自卿第之樹立深篤予心之  
倚毗昆季並列於公卿恃如柱石家國永同於休戚  
待以腹心奎閣初除用觀文之故事金甌新卜侈御  
筆之親題卿每有滿盈戒懼之心予亦思終始全安  
之道南城重寄曲循英讓之誠西樞叢班特借優閒  
之地豈意傳硯之一着反致彈墨之四騰激平地之  
驚波孰主張是挑冷劫之宿火欲湛滅卿使卿家而  
遭斯義理安在痛世道之至此處分遂嚴昨省卿瀝  
血之章非循例乞身之懇與公遂初之計蓋已在十  
年之前若水永退之言奚但為近日之事其情危者



其辭苦可見由中所望切則所感深寧不體下快副  
懸車之願仍舉宣綽之儀諒卿斷斷之誠許奉朝請  
體予眷眷之意毋孤詢諮平生讀書羨慕古人之大  
節此日頒誥喜成晚景之完名於戲雌黃不到於江  
湖同歐陽歸潁之歲寸丹長結於宸極想魏牟戀闕  
之忱知製教李時秀製

文苑黼黻卷之三十三

文苑黼黻卷之三十四目錄

教書四功臣

定社功臣完山君李天祐教書

靖難功臣首陽大君世祖潛邸君號教書

靖國功臣菁川府院君柳順汀教書

光國功臣海平府院君尹根壽教書

扈聖功臣鰲城府院君李恒福教書

宣武功臣德豐府院君李舜臣教書

靖社功臣昇平府院君金瑬教書

振武功臣上城府院君張晚教書

振武功臣副元帥宜春君南以興教書

昭武功臣豐寧君洪寶教書

寧社功臣陽陵君許禎教書

寧國功臣綾川君具仁垵教書

保社功臣清城府院君金錫胄教書

揚武功臣海恩府院君吳命恒教書

文苑黼黻卷之三十四

教書四 功臣

定社功臣完山君李天祐教書 定宗 戊寅

義以制難是臣之效忠禮以報功為君之常務卿以宗戚之親英邁之氣勇冠三軍誠堅一節夷險不避惟義之從頃者姦臣用事貪立幼孽紊嫡庶之分失長幼之倫社稷幾傾鶴鳴方急卿乃奮義克底勘定遂使嫡庶復正而天倫以叙社稷再安而曆數以傳惟乃之績人孰不知亦有姦詐陰包禍心潛構閹牆之嫌致有鬩弓之變卿又慷慨其心仗義而應風塵

一掃會朝清明伊誰之功實卿之力惟我上王念予  
微效冊命儲副予以孱資猶恐不克忽承教旨命襲  
丕基嫡長以傳致有今日豈寡德之能致惟協力而  
有為嘉乃功而曰篤不忘宥乃後而永終其譽錫以  
田土副以臧獲仍賜白金文綺厯馬等物卿其應此  
異數益勵忠誠

靖難功臣首陽大君

世祖潛邸君

教書

端宗癸酉

天為社稷而生賢蓋有闕於氣數君以爵土而錫命  
寔用表乎勲庸載稽彝章昭示賞典叔父鍾秀光嶽  
勵節風霜器度峻整而宏深志槩堅確而嚴正孝友

本乎天性忠義出於至誠豪傑之才聖賢之學氣蓋  
一世勇冠三軍德望崇重於宗親風彩表儀乎朝著  
為善最樂富貴聲色無足搖其中事君以忠夷險終  
始曷嘗貳其操屹若維城之固確乎大節之臨粵予  
冲人遭家不造思和濟乎艱大委機務於臣鄰方期  
斯時以圖隆泰于時容居至親之地畜無上之心謂  
寡人幼不能君而大位茲或可伺厚施於國干譽于  
人群小爭歸私門作黨稔成不軌覬覦萬端而姦臣  
皇甫仁金宗瑞李讓閔佻趙克寬等不思寵任之恩  
潛懷凶禍之計陰為黨援翕然附趨蔑我幼冲竊我

威福專權擅勢挾私市恩官爵濫施於親姻賄賂公  
行於中外賦役煩而公私困土木興而財力窮蔽塞  
聰明壅遏德澤公道晦蝕私意橫流天怒於上而予  
不知民怨於下而予不悟叔父嘗痛憤其故抗疏以  
言予亦尋常而不之察也蓋其黨附於璫者若彼故  
乃濁亂乎朝者如斯及其兇謀益深每夜私聚內通  
近侍宦官密伺動靜外誘方鎮將帥陰約日期迭既  
寔繁勢以日熾大姦根據而莫去寡躬孤立而何為  
宗社國家安危呼嗷叔父明炳幾先切齒腐心天地  
不容可忍群兇之惡逆社稷為悅肯顧一身之死生

雄斷英規奮發義勇率茲忠義之士殲彼兇穢之徒  
曾不移時一舉迅掃朝廷相慶道路爭權邦本幾搖  
而復安神器將傾而復定此蓋為猷之壯秉心之淵  
誠感乎鬼神忠貫乎日月用能剪群兇於俄頃不崇  
朝而清明功烈燁然古今卓爾不有叔父予焉及茲  
苟非天地祖宗之靈默佑陰騭倣手叔父俾靖禍亂  
而其生也關乎氣數者寧若是乎乃眷忠誠兼權將  
相予披心腹以委任卿竭肱股而盡忠勸布帝王之  
仁恩悉革權姦之弊政不動聲色措國家於磐石之  
安不以兵戈真生靈於康莊之樂身拄國而人倚以

重功蓋天而自卑以謙真可謂托孤寄命社稷之重  
臣矣昔周公誅管蔡以安王室大義昭昭萬古炳炳  
推今較古萬世同符云云卿功之多予賞之少於卿  
何有在予則慙冀體至懷尚可領也於戲卿有周公  
之才之美而且兼周公之大勲予尚成王之年之幼  
而又見成王之多難既以成王責周公者責叔父當  
以周公輔成王者輔寡躬上下交修何憂不濟賤爾  
忠烈實深倚集賢校理柳誠源製

靖國功臣菁川府院君柳順汀教書

中宗丙寅

惟才智出於群哲既成不世之功顧恩數稱其殊勲

當舉非常之典茲乃公義非予私情惟卿德兼剛柔  
量吞河海詞章凌駕乎一代韓柳讓其汪洋義氣獨  
冠乎三軍孫吳避其智畧志節卓犖而堅確器局峻  
整而寬洪忠孝出於至誠風彩耀於衆目斯文望若  
山斗國家倚如棟樑事業絕倫文章餘事寥寥有大  
臣體恂恂真君子人早擢蒙正之魁科名聞北闕俄  
遷杜牧之書記望重南金掌絲綸於玉堂簪獬豸於  
栢府擯辭則霞彩輝映抗論則霜威肅清專闡邊陲  
獻俘璇極紀律明於列鎮九重無西顧之憂威稜振  
乎殊邦一方免南牧之患秉銓而賢愚莫爽攬轡而

文苑補遺 卷三十四  
四  
貪廉自分然逸之靡騁於康莊尚利器未試於盤錯  
頃屬天步之艱否非特商罪之貫盈姦回是崇忠良  
委命於机肉婦言是用烝黎寄生於澤蕉萬物不得  
其寧群生莫遂其性神人共憤宗社幾危擎天之巨  
手誰揮撐邦之宏柱未立方蒙毅之在外都人舉為  
寒心逮司馬之入朝衛士莫不加額茲乃祖宗之陰  
隲豈曰人謀之能為卿於是時志切反正義形于色  
誠激于衷思弘濟國亂率左袒忠勇之徒憤不顧身  
危兼唾手慷慨之士仗義氣而決策竭股肱而效忠  
掃氛沴俄頃之間措國步磐石之上收板蕩橫分之

勢九河安流止土崩絕岸之機四維再固翊予興運  
時乃茂功繼博陸匡漢之顯庸恢汾陽復唐之丕烈  
蒼黃變為蹈舞愁痛即成謳歌苟非天地儲精山岳  
鍾秀錫勇智而超出使輔相乎海東安能定危疑於  
立談躋昇平於不日予嘉乃德曰篤不忘帶礪既盟  
於神明丹青宜示於寵錫云云於戲德厚者賞懋業  
大者報崇推誠策勲予既披心膈而誕告慎終如始  
卿其與國家而匹休

光國功臣海平府院君尹根壽教書

宣祖己丑

世不出之殊勲適當今日古未有之偉事親見吾身

文苑補遺 卷三十一  
慰祖宗九廟之靈釋神人百年之憾凡諸爵賞不限  
彝章惟卿金玉之姿珪璋之望以通經有用之學久  
綴延閣之聯以博古多聞之才屢備宣室之問遭逢  
雖際於寡德簡拔實自乎先朝夷考歷數蔚有風績  
念我國系之被玷特荷皇恩之辨誣如天地再奠高  
下之儀若日月快掃氛霧之積茲蓋六七聖陟降在  
帝默祐於天亦越二三臣奔走忘身曲為之地眷言  
昭雪之恩勅實在萬曆之初元愧予報答之微嘉乃  
忠勤之著自恪奉周綸之後唯恭俟漢典之完頃蒙  
一帙之始頒竊惜全書之未覩庶幾矜允於萬一未

免顛踣於再三念卿有獨賢之嘆強之何敢知卿有  
徇國之志任之不疑卿乃受命忘家奮袂登道不惜  
象譯之舌備達冤屈之情待之禮有加焉使乎命不  
辱也玉疑而別者敢憚三獻之勞鐘悲而擊之俄響  
一筵之捷何圖金匱之藏忽墮鯨海之域遷史副在  
京師漢朝尚斬於內服寶典閣之秘府皇上優賜於  
下邦粵自前古以來孰有若今之懿異氣上騰於祈  
木吉語旁達於青丘是皆由卿盡瘁之誠著於夙夜  
願忠之懇格在穹蒼建此不世之奇功膺此曠代之  
異數願予眇末與有榮光一人仰成萬世永賴按勲

府之舊典疏海平之新封云云帶礪山河敢渝載書  
之語丹青形像永觀即圖之辭紀績旂常勒名彛鼎  
於戲君臣一體休戚所同恩遇不替於始終其寧唯  
永勲勞克著於社稷曰篤不忘

教命製

高

扈聖功臣鰲城府院君李恒福教書

臨危見臣節偉烈克效於重恢策命記功宗懋賞允  
合於元祀殷禮肇舉誕告用亶祖茲附海之黠夷始  
有射天之兇計未遂倣道之請即肆撤藩之謀虔劉  
我生靈俘虜我丁壯蹂躪我八路剗夷我三郝予為  
國計而播遷事匪得已誰無家累之顧戀世皆靡然

向微若干忠勤疇衛予於顛越備嘗終始艱險孰逾  
卿之賢勞惟卿山嶽降精麒麟瑞世清德素所蓄積  
雅量莫窺津涯瞻聆者自絕邪心談笑而可鎮流俗  
文章之富夙稱高才關節不通特其餘事風采自別  
於平日歲寒尤驗其後凋始自仁和門相隨泥露於  
千里擢置大司馬獨任幾務者數年人心恃而差強  
朝廷倚以為重夷險不貳操譬萬折而必東死生惟  
一心若衆星之拱北及當倉卒之際義不後君迄今  
寤寐之間言猶在耳率賴皇靈之震疊式遏寇勢之  
猖狂掃腥穢得還舊都集瘡痍載保吾圉宗社再紀



職貢重脩存此小邦秋毫雖荷帝力控于大國廟筮亦藉卿籌豈徒予一人以嘉實惟我萬姓所賴東晉創中興之業為有江左夷吾西漢美股肱之良用此周家方叔卿在今日光掩前人其肯山川之舍諸抑亦祖宗之經乃不矜不伐人莫爭能報德報功國有常典云云於戲緝儀既選明經可稽束牲載書質鬼神以為誓如帶若礪共休戚於無窮

扈聖功臣全陽府院君柳永慶教書

執羈勒而從之惟臣子徇國之義加名數而懋乃繫帝王礪世之權茲當定功之辰庸舉酬勞之典惟卿

著龜先見松栢後凋膺雀環之奇祥夙稱公輔之器奮鵬程之逸翮久侍帷幄之班確一節而不回試百為而益辦曩緣寡昧之失德而致喪亂之滔天始予有去郤之行委卿以前路之事揮涕承命寸心不移於險夷匹馬兼程七尺違恤於跋涉滔滔百僚之相失斷斷一介兮從予設施動裨於艱危紆眷奉天之陸贄忠勤已著於糾合繫望江左之夷吾晉秩銀臺克允北斗之喉舌觀風玉節始壯西海之藩屏逮予回鑿之初遂有講和之說盈庭群議皆懷姑息之謀立朝敢言獨堅復讎之志西賊為仲淹破膽關中賴

蕭何轉漕山公之啓事屢陳謝慝難逃於藻鑑富弼  
之德望愈重朝野共叶於具瞻念今撥亂之功由卿  
扈衛之績風餐露宿備嘗險阻艱難晝營夜思幾竭  
腎腸心腹書之盟府詎足以稱揚茂勲勒諸景鐘其  
何能褒錄大節勘定再經於廊廟恩數式稽於典章  
云云成功不居卿雖切撝謙之志有勞必報予何吝  
寵錫之恩物雖畧焉儀則多矣於戲股肱同休咸措  
國家磐石之安山河誓始終傳子孫千億之久

宋

製駿

宣武功臣德豐府院君李舜臣教書

宣祖甲辰

蓋臣之又國家惟滅敵可以報主聖王之獎勞伐惟  
昭德可以酬勲予以備極哀榮予以崇勵義烈追舉  
茂典式褒元功予循覽古初灼觀往牒將有板蕩之  
大亂致烝黎之虔劉必生魁傑之異人俾康濟乎屯  
否使其才全文武識通幾權智足以挾萬人之能勇  
足以奪三軍之氣用能捍衛社稷安國祚於幾亡盪  
戮鯨鯢挫敵勢於方熾似周家再造恃方名之竭誠  
若唐室中興仗李郭之協策豈容異代專美斯人天  
降割于我邦予未堪於多難痛九廟之腥穢無以舉  
顏哀八路之芟夷每至惕慮疇敢整旅而赴急莫肯

徇節而捐軀慷慨輸擊楫之忠孰為祖述之奮義感  
激灑登舟之涕賴有溫嶠之誓師方賊艦之直指湖  
南獨水兵之沮遏海道向非累捷將毒痛于炎維若  
逞兇圖必禍延乎西鄙保疆場而奠重恢之業集散  
亡而摧再舉之鋒是豈特名震於戎垣抑可謂勲冠  
於恢運言念英傑特疏異恩惟卿稟焱勇於山西傳  
異書於濟北胸吞變化謀出鬼而入神手斡風雲氣  
軒天而撼地早歲定遠之投筆餘事養叔之穿楊及  
選才於韜鈴爰展效於障塞威行區脫擒羯首而靖  
邊秋熟營田防鹿島而却虜縱白衣之枉律蒙黃閣

之賞能泉原剖符稍播於政實沃州換履未試於教  
條遂自炎輿之僉戎驟開左海之幕府衆神舩飛舳  
之制創為龜船蒐習流擊擢之夫嚴簡虎士凜若常  
對大敵屹然如恃長城逮劇寇羆吞阻巨溟豕突汗  
流湖右之節鎮駿奔常郡之間臣鐵軸牙檣鼓陽侯  
而耀武熊幢羽旆擻天吳而折衝寧與賊而俱生願  
為臣而致死玉浦奮擊天宇為之霽氛露梁塵糟滄  
海為之變血飛彈迸脰而色不動炮火熏身而目不  
撓遂殲萬艘之斑衣俾哉其荐食更活三韓之赤子  
孰較其雋功雖天討斯行克掃蕩乎卉服然賊衆卷

適寔震疊乎戈船乃授統部之權乃飭風寒之備軍  
聲丕振於服遠方懼膽於殊鄰朝命或廢於知難即  
埋冤於艷獄迄致餘艗之失水良由廟筮之乖宜予  
慚負乎貞良亟還師柄卿益勵乎忠憤直抵寧津掇  
拾灰燼之餘收合瘡殘之卒十三樓櫓繞結營於洋  
前百萬游魂俄染益於波上督戎旃而深入協天將  
而前驅立盾避丸陳璘歎其制變塗甲冒火季奎服  
其出奇待柱標於扶桑坐銷殺於黑蜃何意神歸於  
箕尾遽然星隕於黃龍哭卿之淚當徹泉哀卿之懷  
常夜念魁台增秩俾慰其明靈香火朔祠蓋盡其酬

答迨茲定封之日追畀表功之章昂彛勒名冠群公  
而揚踊丹青繪像首諸賢而紀庸裂三壤之胙茅躋  
一等之元祠恩綸浚冊錫備乎臧獲土田鐵券丹書  
宥及乎子孫苗裔傳萬葉而毋替誓百代而勿忘云  
云於戲礪山帶河縱阻馬血之同軟雲臺烟閣儼觀  
燕頷之若生蓋立偉績者報必隆而享厚賜者勞必  
大惟卿精爽服我寵靈

靖社功臣昇平府院君金瑩教書

仁祖癸亥

太甲居桐孟氏許伊尹之志中宗改玉王室賴霍光  
之忠是以爵邑是疇丕賞一代之元功社稷為重昭

示萬世之定論顧今成烈於古有光惟卿名將之孫忠臣之子自少素抱磊落奇偉之節生平不負光明正大之心經取大科進秉直筆藹乎韋匡儒雅之列蔚然頗牧英雄之姿暫輟玉堂之班久贊銅符之化邑政一歸於整理官資屢擢於褒崇頃者國值中否之辰天垂大革之象內而嬖孽狐媚外則奸凶蝟起禍始媒於弟兄災終延於母后尊號加貶削之辱深宮成幽閉之居曩倫晦盲人民變為禽獸亂賊覬覦宗祧視若弈碁肆我祖宗在天之靈啓爾忠義徇國之舉倡率同志之士分成助順之軍日月在上鬼神

在傍曷敢自為身計天命已改人心已去不忍坐視國亡整乾坤於極蕩之中昭倫紀於熄滅之後豈惟一人有慶實乃舊邦惟新五王協謀咸推東之為龍首十亂同德獨稱太公之鷹揚云云疏平陽一曲之封擬營丘百里之儉制悉從乎舊典儀匪創於今章於戲建非常之勲故有非常之報思無疆之恤始享無疆之休

振武功臣玉城府院君張晚教書 仁祖甲子

干戈省躬適當艱厄之會斧鉞制閭旋覩克復之休茲申血姓之盟用酌汗馬之績惟卿資兼忠勇業茂

文苑叢書 卷三十一  
經綸乘輅建旂不但文武為憲納言司直實惟左右  
俱宜有練達時務之材有包舉衆善之量人稱支厦  
巨棟世倚衛國長城屬寡躬之承祧暨群賢而起廢  
西郊推轂肇新遣師之儀上郡屯兵屢陳伏羌之策  
方期強寇之外摺詎料逆豎之內猜鴞音不悞侯景  
挾臨賀之釁薑尾有毒祿山藉幽燕之資神策之軍  
未回潼關之師先潰顛隳之勢間不容毛露泥之行  
言之痛骨卿當此際事有至難兵雖摠於韜幹禍已  
深於肘腋孟膠投水早得士率之權尺檄生風益勵  
忠義之氣披其角距置以腹心持危則隱若泰山決

幾則轉如圓石雖成敗利鈍一日百端然發縱指揮  
有進無退克萎鞍峴之捷終致葉街之集廟貌重安  
王靈再振知人善使予何有於鑑衡受命忘身卿實  
殫其心力以百年未聞之變成一代無前之勲國有  
夷吾更何憂於江左天生李晟期永扶於唐家分茅  
土以定封指山河以明誓雲臺列像名高角宿之躔  
繡衮臨戎位並台垣之次凡茲寵數悉稽彛章云云  
於戲惟英畧可以亨屯惟義烈可以敵愾富貴自有  
宜無愧於酬功凶奴未亡當益勉於報國  
振武功臣副元帥宜春君南以興教書  
大提學  
李植製  
仁祖甲子

危疑之際貞節乃彰叔蕩之中奇功始著是故干戈  
衛社臣子所以急難茅土疏封國家所以懋賞茲遵  
舊軌聿舉新章惟卿學劍而耻一人敵投筆而慕萬  
里侯神樞妙筮有禦侮制勝之畧膂力拳勇有夷險  
靖亂之材始發跡於行間遂策名於閭外屢典大邑  
威惠並行荐歷雄藩緩急是恃頃當采薇之役益厲  
裹單之心強虜臨江方深南牧之警烈士乘障整紵  
西顧之憂何圖射日之兇忽構滔天之逆顧念慚德  
自致亂階蘇峻之發歷陽事易蹉跎桓玄之至姑孰  
衆自驚疑竟招犯闕之災遂罹離宮之厄國倚上將

扞我于艱卿主中權敵王所愾忠義之氣足以激厲  
單羸雄傑之風足以懾服狂獍光顏披甲而上馬太  
真灑泣而登舟惟其夷險一心深明逆順是以跋涉  
千里力辨存亡時有屈伸蓄銳俱發功無先後叶力  
同征地利勝而人謀和軍聲壯而主威振克秦河陽  
之捷邦命重新迄成郟塢之誅廟貌如故忘身徇國  
旣勤鐘鼎之銘紀績疇庸更申山河之誓丹青繪像  
竹帛垂名崇班峻秩官居一品之尊大纛高牙位亞  
元戎之次云云於戲惟謙恭可以處富貴惟義烈可  
以保始終瘡痍甫平豈暨忘於在莒凶奴未滅尚益

勉於吞胡

知製教鄭百昌製

昭武功臣豐寧君洪寶教書

仁祖丁卯

除兇靖難而節義著決機奮威而智勇彰若乃當豕突之時戮力猶易即鷓張之始挺身尤難載稽藝章用疇茂伐惟卿家聲孝友天質剛明在筮仕之初足見材局逮反正之後首擢巍科報國誠心與同志而相勗治民政績試分憂而最優頃者國步甫夷逆豎猝起惟其盜名之久是以惑衆者深罪狀朝廷方伯見而罔覺掠奪鎧仗府庫破而無禁建大將之旗狼軀聚族動一境之率蚊蚋成群締結遠邇之兇徒跳

踉咫尺之巖邑禍迫頃刻人莫誰何幸決策之賴卿曾不日而就縛精神滿腹倉卒中馳奏周詳才畧兼人急遽間傳檄纖悉部分節制倬有良將之風奮發驅馳旋覺妖氛之豁蓋自去年胡變聲駕元侯素是平日撫綏能得死力若使當時移一步地未必不為貽三輔憂凜凜精忠垂竹帛而無愧堂堂膽勇求古今而罕儔義形丹青功存社稷河東特名予乃峻之大夫鄼侯獨多莫與爭其位次其賞未塞曰篤不忘鐵券疏封高名冠乎諸將雲臺列像大勳集於儒生云云於戲凶奴未亡尚益勉於報效文武為憲永無



替於始終 大提學李景奭製

寧社功臣陽陵君許禰教書 仁祖戊辰

先事候情幸罪人之斯得論功定次莫與汝而爭能  
茲加封爵之榮適彰褒嘉之典惟卿家承闕閔世篤  
忠貞詞藻文華乃其餘事誠心義氣足以感人事蹇  
身伸來五窮於韓愈名高官滯老三世之馮唐惟食  
息不忘乎君故尋常所憂者國當大憝煽兇之日已  
默察其頻呻逮群渠濟惡之秋遂潛偵其動息乃於  
舉事之際先期豫圖即以逞兇之謀飛書上變惟其  
疾病之嬰體故使心腹而兼程密通勳盟壞機牙於

未動急捕魁黨網蟲蟻其何逃衷甲入門者虱伏而  
就縛稱兵抵漢者魚駭而爭遁元兇伏辜街漲鯨鯢  
之血餘孽受戮肉饒鴟鴞之腸苟非卿忠國已危矣  
致有今日誰之力耶以曲突徙薪之功豈居焦爛之  
下肆發縱指示之績宜在逐殺之先責期思之就封  
勳是第一蕭鄴侯之食邑誰謂獨多斯疏爵而貴之  
用分茅而嘉乃云云於戲有臣於此為國乎何泰山  
黃河帶礪之盟猶在雲臺烟閣圖畫之意可忘 知製教趙

續韓製

寧國功臣綾川君具仁堂教書 仁祖丙戌

予惟禍起蕭牆非忠貞無以靖亂功存社稷非勒銘  
無以酬勞是知戮力除兇斯人臣之大義圖形歎血  
亦國家之彝章非予敢私有古即爾惟卿英風烈烈  
武畧恢恢以喬木之世家聯親肺腑以大樹之名將  
作我股肱惟忠勇已著於贊謨之時而勤勩益殫於  
臨難之日及躋司馬之長兼掌馗虎之師不料賊臣  
近出相府謂其人才有效謬靡崩寄命之褒果以豺  
豕之心稔王敦辜恩之惡扈衛權柄藉以聚其奸徒  
守禦軍需取之養其死士至控禁旅更番以中缺暨  
乎山城同逆之外援謀已部分禍在頃刻時卿聞變

缺

違待乎朝李多祚之將兵適在此際陳丞相之  
念患宜急交驩入扈而令嚴如熊出捕而勢成縛虎  
魁兇巨猾罔敢遁逃亂領妖腰即就誅戮神人洩憤  
宗社獲安茲誠不世之勞可無非常之典云云爵躡  
仍舊寵冊維新魏其實嬰亦成平吳之績絳侯周勃  
復樹誅呂之功故前日後日之勲庸何靳再錄即二  
等一等之封拜俱協衆心而卿豈望報乎在予不可  
已者於戲指山河而申誓毋忘斯言處富貴而思艱  
益勵乃節知製教  
南朝製

保社功臣清城府院君金錫胄教書

肅宗庚申

忠臣之誅無禮於君若鷹鷂之逐鳥雀明主之賞有  
功於國以帶礪而誓山河古有社稷之臣如卿近矣  
况當危急之際厥功茂焉爰疏第一之遠制用侈分  
三之名數周管叔之身居懿親而兄弟同惡晉欒氏  
之久執國命而子父稔兇內竊督府之重權外箴嚴  
邑之精卒潛布心腹左右皆相國之人馴致霜冰亂  
賊非朝夕之故部分已定犒饗繞行賊謀言之痛心  
洪祚凜乎危髮苟非奮伐溫之義孰能成安劉之功  
惟卿先賢詩禮之家世臣卿相之胄有包舉衆善之  
量而識鑑甚明有剝割庶務之才而神情不露敷于

華貫粵自先朝非因肺腑之親自致雲霄之上名高  
藝苑由大魁而提衡智闡戎韜摠中兵而授鉞語其  
所存則經文而緯武觀其所處則共戚而同休頃當  
群孽之滔天賴有介臣之體國毅然見憚如猛獸之  
在山確乎不搖若巨坊之制水忠雖篤於宗祏憂乃  
迫於蕭牆事有至難禍且不測以沉幾之先物而指  
揮爪牙以摘伏之如神而偵察狐鼠陳平深計不待  
陸生之微言溫嶠純忠盡得武昌之陰事幸急變先  
聞於中夜而奸狀莫逃於爰書亂頌妖腰咸膏齊斧  
陰氛惡稜旋廓乾文會單劉而討朝繫賴周室之伯

舅監齊趙而誅滹不獨漢代之王孫九鼎無震撓之  
虞五廟有靈長之慶既著非常之績寧靳懋賞之規  
逆折奸萌禍亂不勞於武定先論發縱位次無讓於  
文終云云紀功烈於旂常儀加鐵券留形像於繪素  
事光雲臺申之以血牲胙之以茅土率由彝典匪為  
私恩於戲立言立功垂聲實於不朽惟忠惟孝享第  
祿於無疆宜毋替於誓言期永保於終始

知製教崔錫鼎製

揚武功臣海恩府院君吳命恒教書

英宗戊申

周宣繼文謨武烈之休時則有名穆公為之佐唐憲  
復貞觀開元之盛時則有裴晉公為之臣頌聲洋洋

式昭江漢之詠勲名赫赫載著淮西之碑肆中興撥  
亂之昌辰有一代紀功之盛事眇予叨承乎丕緒維  
時適丁于多艱先王之惠我黎民莫非爾極孽臣之  
誑吾赤子曾是不虞凶言自相譸張蓋非一朝一夕  
之故逆謀遂至猖獗輒肆無父無君之心天將聚而  
盡殲殆同欒氏之叛晉國有恃而無恐誰為葉公之  
存荆畿甸之急變初聞縱賴者獻扶鼎之力湖間之  
凶報繼至實有人心解尾之形方事之殷罔知攸濟  
中朝發歎嗟周行執恤予家半夜請行惟吳公差強  
人意惟卿以故家喬木之名闕稟高山鉅谷之偉姿

文獻通考 卷一百一十四  
十一  
襲先烈於宗臣早著繼踵之美徵餘風於宅相允叶  
撫頂之期蓋精神氣脉之相傳亦耳目濡染者有素  
居家至行吸蔬粥而終三年事主危忱閱夷險而礪  
一節既內外之歷試復文武之兼資懿直無朋呂大  
防之素守愈確敦厚如勃韓推圭之雅望彌隆擢銓  
衡於更化之初迪簡非偶授戎柄於無事之際注意  
則深固知板蕩之忱臣果別盤錯之利器威望若郭  
尚父挺身出渭北之師號令如周亞夫決策制山東  
之變渥手誓衆部伍懷投醪之恩曳足觀兵將士感  
興疾之義赤丸交急而刁斗無譁白羽一揮而旌旗

變彩謂將軍從天而降震王旅如雷之威疾趨而據  
北山得批亢擣虛之術鼓行而出陘口若轉石決水  
之形潛師伐謀先人有奪人之氣決機乘勝善戰收  
不戰之功安竹之屯壘旋空載見狡兔之盪穴嶺嶠  
之氣稜俄歇無復孽狐之憑丘變實無前勳亦不世  
張元帥靖逆遠之亂尚貽犯闕之憂曹相國翦施愛  
之兇亦煩踰時之役三旬即定歎干羽之猶遲一軍  
俱完喜斧斨之罔缺都民鼎沸而旋定寔賴江左夷  
吾廟社震搖而再安咸曰天生李晟惟嘉績尚多于  
前輩故懋賞宜舉乎舊章云云誓指山河名加茅土

劍履十八之列鄴侯獨多雲臺四七之形鄧公為首  
文昭武暢鬱為一世之元龜志確功高爛焉四字之  
華袞汝惟不伐人莫與爭予嘉乃勲曰篤毋忘於戲  
南樓露布式舉百年之盛儀東閣宣麻庸寄三事之  
丕責執干戈而衛社稷既效捍艱之勞整紳笏而措  
國家勉率救時之業安不忘危治不忘亂此誠何時  
濟則作舟旱則作霖唯汝予弼庶毋墜乎勤勵期永

底乎泰寧

知製教中  
致謹製

文苑叢書卷之三十四

